



LAS SANS LONG ENROL: Yu enrol pinis long 2012 nesenel ileksen? Taim i kam klostu nau, tasol pipel long PNG i gat 18 yia i go antap i gat wanpela moa sans yet we ol ken sekim sapos nem bilong ol i stap long komon rol. Sapos nogat, lukim ol enrolmen opisa bilong ol wan wan ilektoret yu kaninit long em na go putim nem bilong yu. Dispela wok bai kisim tripela wik tasol na i bin stat long las wik na bai pinis long neks wik.

Piksa i soim Branny Onioa i sekim sapos nem bilong em i stap wantaim ol enrolmen opisa long Tokarara, Nesenel Kapitel Distrik. Branny na bebi Patricia i bin go long Tokarara klinik na bihain em i sekim nem bilong em i no stap, em i enrolim em yet long vot long 2012 nesenel ileksen long sotpela taim i kam nau.

Poto na stori: Nicky Bernard

1 toea SMS

Toktok inap yu pulap

Stap klostu wantaim famili na frens. Salim SMS long 1 toea tasol namel long 10pm na 7am olgeta dei. Digicel tu Digicel tasol.

Digicel

PHILLIP'S BIGGER, BETTER NETWORK.

Digicel Tems na Kondisens applae. Blong Pripeid Kastomas tasol

Se Salamo sanap long Kot

KLOSTU NAU!

50

De moa...

Enrol NAU!!

Yu enrol tu?

2012 VOTE LPM

Enrol NAU!!

Aja Alex Potabe i raitim

SIF JASTIS bilong Nesenel na Suprim Kot bilong Papua Niugini, Sir Salamo Injia, i sanap long Waigani Komitel Kot (Committal Court) aste moning bihain long polis i bin holim em hap aste na kisim em i go daun long Polis Hetkwata long Konedobu.

Long Tunde, Praim Minista, Peter O'Neill i tok em i no save long wanem samt-

ing i kamap namel long ol polisman na Sir Salamo, tasol em i strongim bilip olsem 'nogat wanpela man insait long kantri i stap antap long loa.'

Ol biknem loya, wok manmeri bilong kot na arapela brata jas bilong Nesenel na Suprim Kot i no wanbel long dispela kain pasin bilong polis long daunim Sif Jastis, na olgeta jas husat i stap long ol arapela provins i kam pinis long Mosbi aste 3-kilok apinun long holim

wanpela bung tude.

Sir Injia i bin sanap long ai bilong Mejistret Cosmos Bidar, husat i bin ridimaut ol sas agensim em aste moning long 9-kilok long Waigani Komitel Kot.

Nau yet em i stap aninit long saspensen tasol, em bai kam bek gen long Mei 7 long kliarim ol alegen o sut toktok bilong polis agensim em.

I GO MOA LONG PES 2

Lukim Insait:

P4 -Sabina inglis:

P5 - Sabina pisin:

-Esso Highlands:

-Gavamani Sivarai:

-Catholic Reporter:

SAPPHIRE SPRINGS

Naturally refreshing Mountain Spring Water at an affordable price!

330MLS, 600MLS & 1500MLS

Spring Wara long Maunten Stret!

Australia halivim PNGEC

Aja Alex Potabe i raitim

AUSTRALIA bai givim moa halivim long PNG Ilektoral Komisin (PNGEC) long kari-maut wok ap-det bilong komon rol, na larim jeneral ileksen i bihainim plen na kamap long mun Jun stret.

Australia i givim 88-pela kompyuta long larim PNGEC i hariapim ol wok bilong ap-detim data o ripot bilong ol ilektoral rol.

Australia bai givim tu wan-pela bikipela save man bilong Australia Ilektoral Komisin long halivim PNGEC mekim stretpela ilektoral rol ap-det. Antap long dispela, Australia bai givim tu 4-pela save man bilong kompyuta long larim ilektoral rol i 'klin' na rausim ol 'giaman nem' o nem we i stap planti taim long rol.

Na Australia bai givim tu 3-pela gavman save man long wok aninit long PNGEC olsem Deputi Operesens Dairekta, Ea Transpot Kodineta, na Lojistik Ed-vaaisa. Ol dispela wokman bai kam insait long kantri bi-hain long tupela wik, na ol bai wok arere wantaim ol wok manmeri bilong PNGEC yet.

Hai Komisina bilong Aus-tralia, Ian Kemish i tok, Aus-

tralia em i gutpela poroman bilong PNG, na em i laik larim PNGEC stap long gut-pela mak long ronim jeneral ileksen long Jun dispela yia.

"Australia bai no nap tokim PNG long go long ilek-sen. Mi olsem poroman bi-long PNG i laik lukim PNG i go insait long ileksen bikos em i save kamap olgeta 5-pela yia.

"Mipela i bin halivim PNGEC wantaim K26 milian long ronim gut ol ileksen. Ol ileksen i kam long 2012 i bin gutpela tru wantaim halivim bilong Australia na mi gat bilip olsem dispela ileksen bai go gut tru," Kemish i tok.

Sif Ilektoral Komisina, Andrew Trawen i tok tenkyu long Kemish i makim maus bilong gav-man na pipel bilong Aus-tralia long halivim PNG karimaut gutpela ileksen.

"Dispela sapot mipela i kisim em bikipela tru. Em i soim gutpela poroman yumi tupela kantri i gat. Na tu Aus-tralia i bekim singaut bilong Praim Minista Peter O'Neill, husat i bin go visitim Praim Minista billong Australia, Julia Gillard Kenbera long luksave long PNG na givim sampela halivim long ileksen taim," Trawen i tok.

Dispela wik em Australia Wik

HAI Komisin bilong Australia i makim dispela wik olsem Australia wik. Ol samting bi-long makim dispela Australia wik bai kamap long 5 i go inap 11 de bilong mun Mas.

Hai Komisina bilong Aus-tralia, Ian Kemish wantaim PNG Edukesen Minista, Theo Zurenuoc, husat i bin makim maus bilong PNG gavman, i bin lonsim dispela Australia wik long Mande taim tupela bikipela atis John Gould (Australia) na Ratoos

Gary (PNG) i bin lukluk i stap. "Dispela wik bai yumi ama-mas long poroman bilong Australia na PNG. Em i sans bilong yumi soim ol gutpela pasin tumbuna bilong yumi.

Pasin tumbuna bilong yumi em i strong tumas. Planti manmeri Australia i gat bikipela pasin poroman wan-taim ol pipel bilong PNG," Kemish i tok.

Long Mande, Kemish i bin lonsim ekshibisen o piksa so bilong sampela piksa o wok

peinting bilong Gould na Gary. Sampela ol samting bai kamap long makim na ama-masim dispela wik em i danis, lukim ol muvi o piksa bilong Australia, na ol music man bilong PNG na Australia bai pilai gita na singsing tu.

Kemish i tok tenkyu long olgeta kampani husat i sponso long kamapim dis-pela makim na amamasim bilong longpela taim poro-man bilong PNG na Aus-tralia.



REDI: Ilektrol Komisina Andrew Trawen, i soim Australia Hai Komisina Ian Kemish long ol entrolmen ol wok manmeri bilong em i wok long stretim. Kemish i go givim sampela komyuta long elektrol opis long hariapim wok bilong enrolmen. **Poto Nicky Bernard.**

NEC bai stretim Is Sepik asua

NESENEL Eksekyutiv Kaunsil (NEC) i nau redi long stretim ol loa na oda asua long Is Sepik Provins.

Kabinet i givim tok orait long larim PNG Difens Fos ami long stretim loa na oda long hap.

Praim Minista, Peter O'Neill i tok kabinet i tok orait long givim K4 milian long ami long stretim dispela asua insait long wanpela mun, na em i stat pinis long Mas 2.

"Aninit long Seksen 20 bi-long Difens Fos Act 1974 na Seksen 204 bilong Mama Loa, NEC i toksave long Ga-

vana Jeneral long givim laspela tok orait long salim ami go aut long halivim wok bilong ol polisman long Is Sepik Provins.

"Narapela rot bilong stre-tim dispela asua em long rausim mani pawa bilong Is Sepik Provinsel Gavman.

"Dispela em i namba wan samting bikos provinsel gav-man i no lukautim gut pipel bilong en. Mipela i gat bikipela asua nau yet. Olsem na dispela i nidim ami bikos polis tasol bnai no inap long stopim o stretim dispel asua," O'Neill i tok.

"Minista bilong Tresari bai

rausim mani long givim long dispela. Mi singaut strong long olgeta gutpela manmeri long Is Sepik long stap isi na halivim gavman long karim bel isi kambek long provins," em i tok.

Wankain taim, Siaman bi-long Investigesen Tas Fos Sweep (ITFS), Sam Koim i tok dispela operesen em ol polis na ami yet i bihainim toktok bilong gavman long mekim wok.

Em i kliarim toktok olsem ol ITFS tim i no kisim ples bi-long polisman tasol ol polis i stap long mekim wok bilong ol aninit long Mama Loa.



AUSTRALIA WIK POTO SO...Spots Minista, Sali Subam i pointim pinga i go long wan-pela atis wok bilong John Gould, taim Edukesen Minista, Theo Zurenuoc na Hai Komisina bilong Australia, Ian Kemish i lukluk. **Poto: Nicky Bernard**

Se Salamo sanap long kot...

I kam long pes 1

Polis i tok ol i sasim Sir Salamo bikos em i bin brukim Seksen 136 bilong Kriminal Kod (Criminal Code) Act, Sapta 262, we em i bin traim long stopim Nesenel Kot oda bilong bipo Nesenel Kot Jas, Jastis Mark Sevua.

Jastis Sevua i bin tokim kot long givim sampela mani na wanpela haus bi-long Jastis Timothy Hinch-liffe, husat i bin dai na i bin tok orait long givim dispela

mani na haus long pikinini man bilong en, Timothy Moere Sarri Jnr.

Long yia 2009, kot i bin holim dispela mani long tras akaun na holim haus tu, tasol bihainim dispela tok orait i kam long leit Jastis Hinchliffe, Jastis Sevua i bin mekim disisen long givim dispela haus na mani long Timothy Jnr, husat Hinchliffe i bin lukautim na tok orait long givim em.

Tasol Rejistra bilong Ne-senel na Suprim Kot, Ian Augerea, Sir Salamo na ol arapela man i bin sakim dispela kot oda i kam long bipo Jastis Sevua na i bin strong long holim dispela mani na haus.

Polis Frot Skwat i bin harim dispela stori na mekim wok painimaut i kam inap ol i holim Injia hap aste na sasim em aninit long brukim Kriminal Kod.

K120m

IDG bai redi neks wik

**Aja Alex Potabe i
raitim**

GAVMAN bai peimaut ol mani bilong Infrastraksa Developmen Gren (IDG) bilong ol PNG LNG Projek eria neks wik Tunde long Tari, Hela Provins.

Dispela toktok em i kamaut long maus bilong Praim Minista, Peter O'Neill, na i luk olsem ol papagraun bilong dispela multi-bilian-kina PNG LNG Projek bai no nap kisim ol arapela mani i kam long MoA fan, Ministerial Komitmen, na ol Bisnis Developmen Gren o sid kepitel, bikos gavman i no mekim wangepa tok tok long dispela.

"Aninit long loa bilong wel na ges (Oil & Gas Act) gavman i save IDG mani em i no bilong ol papagraun long yusim nating long laik bilong ol yet. Em i mani bilong kirapim ol rot na bris long wan-wan ol LNG Projek eria long Hela, Sauten Hailans, Gulf na Westen Provins. Olsem na yusim bilong IDG bai bihainim loa bilong Pablik Fainens (Menesmen) Act," O'Neill i tok.

Em i tok gavman bai no nap peim dispela gren long Mosbi bikos projek i no kamap long hia. Olsem na O'Neill yet bai go antap long Tari neks wik Tunde long givim K120 milian gren.

"Aninit long Kokopo UBSA na LBBSA, olgeta yia gavman bai givim K120m IDG mani long ol projek eria. Bilong yia 2012, bai mipela go givim dispela mani long Tari.

"Mi toktok wantaim ol papagraun pinis na mi save gut tru long hevi na wari bilong ol. Olsem na long painimaut sapos ol kampani husat i raitim proposal long kisim ol dispela mani em ol tru tru kampani o nogat, em i moa beta long olgeta papagraun i kisim mani long ples.

"Gavman bai putim tupela balus sata long Fonde na Fraide (nau na tumora) long salim i go antap long Tari, ol tru tru papagraun husat i bin putim han mak long sainim projek agrimen long Kokopo UBSA na ol wan-wan LBBSA agrimen," O'Neill i tok.

Em i tok Investigesen Tas Fos Sweep bai sekim olsem wanem ol sampela papagraun i bin kisim mani long Vulupindi Haus na sekim tu sapos ol i bihainim gut `l o a long kisim na yusim ol dispela mani.

Tasol ol papagraun i tok ol laik kisim olgeta mani long hia bikos i nogat gutpela beng sevis long Tari na olgeta hap long projek eria.

Ol i bin laikim O'Neill yet long kam ausait na toktok gut wantaim ol stret na ol i bin wetim em long Moaruta Haus, tasol ol polis i bin rausim ol i go hap aste apinun.

Polis i bin paitim ol, brukim ol wantaim gan na traipela stik, na tambuim ol long noken bung moa long toktok long LNG mani.

Polis i brukim kar glas bilong biknem Hides PDL 1 papagraun lida, Tom Kapo na makim em wantaim gan.

Women For Life.

Celebrating the amazing women in our lives



BSP has been actively supporting and encouraging women of all ages to reach their full potential, by providing education, information and opportunities.

BSP, employer of choice for women in PNG.
Making a difference. Now.



International Women's Day



WE ARE, YOUR BANK FOR LIFE.

www.bsp.com.pg

Find Us On



Niupela Maggi MagicTeist
Wanpela kain kuking pauda

Bai givim BEST teist long kainkain kuk

THE UNCERTAINTY AHEAD

One of the central aspect of the Hindu beliefs is the theory that life revolves around a cycle whereby you start with creation, then you move to maintenance of order that ends finally in destruction. Thus, if you look at what is now happening in PNG, it makes you wonder if the Hindu belief is in fact the way life has been ordained to maintain itself and for itself with the notion that everything else within the circle must follow suit because we are dealing with an universal order of things.

Thus, we started with Independence and with that we set in order a scheme of things under an umbrella called, "the rule of law". Then we started to build up a statehood under the name, "The Independent State of Papua New Guinea". And we named the inhabitant, "a citizen" of the Independent State of Papua New Guinea. With that we copied the economic system of the West as a model from which to base our national economy and copied everything else including their bad habit of indulging in alcohol non stop from Friday to Sunday.

Seen from that point of view, the period commencing 1975 to about 1980 was a period of nation building, for lack of a better term. We played by the rule of law for at least 5 years and for the next 5 years to 1985, we were experimenting with bribery and corruption brought in from South East Asia by Chinese and Philipinos alike. We started to



chinery of government can no longer move without any bribery and corruption money changing hands.

If you survey the political arena, you will note that the people who were at the

"bingo" with their lives.

And it is little wonder that the common man does not care if O'Neill or Namah should commit blunders like breaking all the laws in a Statute Book to punish


little bank called BSP, we the people lost our trust and confidence in you. It is rumoured that you are now trying to do the same thing with Air Niugini where you are considering a possible sale to APNG, an airline noted for its very bad safety record in such a short time of operation in PNG.

WE ask: Is this why you have placed your lieutenant Garth McIlwain as the Chairman of Air Niugini and also appointed Greg Sheperd, your legal eagle to mastermind a possible merger like the shady deal involving PNGBC and BSP? And why is the Ombudsman Commission sitting on its ass and not doing anything about people like Morauta who can sack a professional company executive only to be replaced by his personal staff member? Is this not against the leadership code?

And when will the present government start to obey the law and that way try to bring things under control so that this country can allow the people and the institutions in the country to bring back normalcy into the country.

The way things are now, there is far too much uncertainty with the effect that the public servants are all too scared for their jobs and the businessman cannot tell whom he is talking to in case he gets visited in the middle of the night by a group of thugs calling themselves policemen seeking to arrest him for some "cooked up" crime.

Is this the way to run a country? Over to you Peter O'Neill!



ask for and received small amounts for lunch, smoke and betelnut. Then from about 1985 to 1990, we started to improve on our modus operandi and the politician took the lead by dining, wining and dancing with the foreign businessman who came into the country looking for easy money.

The order of the day was characterized by a pot bellied businessman in his safari suit carrying a leather briefcase stuffed with K50 notes to pay his way around bureaucracy and red tape. Then come the year 2000, the game of bribery and corruption reached its peak and since then the entire institution of State and the ma-

helm at Independence and are still at the forefront now are the people who were responsible for the way PNG had "evolved" to where it is now. Take Sir Michael for instance. He was in and out of power for close to 40 years and so was Sir Julius and yet in their political career they never thought of giving the people free health and free education.

The nation had to wait for close to 40 years for someone to think, "boy, we forgot to offer the people free health and education". Parliament had to go out of its way to arrest power off Somare and his mob to offer the people something in return for having sat and watched the boys play

those whom they blame for a lot of things that went wrong during the Somare regime's reign.

Thus, one can now witness people being deported for political reasons, Heads of statutory corporations being fired and replaced by political cronies such as in the case of Telikom where Sir Mekere sacks a company executive only to be replaced by one of his ministerial staff. Sir Mekere, you were at one time considered a senior statesman. Unfortunately, you are no longer considered one at this very moment.

After you did a Judas Deal with the sale of PNGBC to a

NO KLIA LONG OL SAMTING BAI KAMAP

WANPELA long ol bikpela bilip bilong lotu Hindu em, long laip i raun olsem sekel we yu stat wantaim kriesen na yu muv i go long lukautim oda na las long en, pinis long bagarap. Olsem na sapos yu lukluk long PNG na ol samting i kamap long en nau, em i mekim yu i tingting planti sapos bilip bilong Hindu em i we laip i sapos long lukautim em yet na long en yet, wantaim tingting olsem olgeta samting insait long sekel i mas bihainim oda long wanem, yumi wok long dil wantaim yunivesel oda bilong ol samting.

Olsem, na yumi bin stat wantaim Indipendens na wantaim dispela, yumi bin putim oda long bihainim long mekim ol samting aninit long wanpela ambrela yumi kolim "rul bilong loa." Na yumi stat long bildim stet aninit long nem, "Indipenden Stet bilong PNG." Na yumi kolim ol manmeri bilong dispela kantri, "sitisen" bilong Indipenden Stet bilong PNG. Wantaim dispela, yumi bin kopim iekonomik sistem bilong Wes olsem modol we nesenel iekonomi bilong yumi i bihainim na yumi kopim olgeta samting i karamapim ol samting nogut olsem dringim bia i stat long Fraide inap long Sande.

Taim yumi glasim ol samting, piriet o taim namel long 1975 inap long 1980 em piriet we yumi bin wok long bildim nesen, sapos i nogat narapela we long putim. Yumi bin bihainim loa long 5-pela yia, na long narapela 5-pela yia i kam inap long 1985, yumi wok long eksperimen wantaim braiberi na korapsen yumi baim long Sautis Esia long ol Saina lain na ol Filipino. Yumi bin stat long askim long na kisim ol



masineri i no inap muv sapos ol i no kisim braiberi na korapsen mani.

Sapos yu glasim politikel eria, bai yu lukim olsem ol lain i bin bosim kantri long taim PNG i kisim Indipendens na i stap yet long fran

laim "bingo" wantaim laip bilong ol.


Na ol liklik pipel na ol man nating i no wari sapos O'Neill o Namah i wokim ol asua olsem brukim ol loa long Buk bilong Stet long givim mekim save ol lain we ol i sutim tok

Dil taim yu salim PNGBC i go long liklik benk ol i kolim long BSP, mipela ol pipel bilong PNG i no bin gat bilip long yu. Tokwin mipela i harim em i olsem yu laik wokim wankain samting long Air Niugini we yu wok long tingting long salim em i go long APNG, balus kampani we sefti rekot bilong em i no gutpela long sotpela taim em i operet long PNG.

Mipela i askim: Long dispela tasol na yu putim Lutenen bilong yu, Garth McIlwain, olsem Siaman bilong Air Niugini na tu, makim Gtrg Sheppard olsem ligel igel o bos long mastamainim tupela (balus kampani) i kamap wanpela, olsem dispela i bin kamap long PNGBC na BSP? Na watpo, Ombutmen Komisin i sindaun tasol long as bilong em na i no wokim samting long ol lain olsem Morauta husat i ken rausim ol profesenel kampani eksekutiv na putim ol woklain bilong em yet long kisim ples bilong ol? Dispela i no agensim lidasip koud o loa?

Na wanem taim nau gavman bai stat long bihainim loa na long dispela rot, bai ol samting i stap aninit long kontrol, na larim ol pipel na ol institusen i kisim kantri i go bek long nomol we bilong stap na mekim ol samting. Long nau, planti samting i stap long kwesten mak na ol pablik sevan i pret long ol wok bilong ol. Na ol bisnis man i pret long toktok long husat, nogut sampela raskol lain husat i kolim ol yet ol polis man i go long haus bilong ol long nait long holim pasim ol long sampela krait i bikpela rong we ol i sutim tok long ol.

Dispela em rot bilong ranim kantri? I go long yu Peter O'Neill!



liklik hap lans, smok na buai. Na long 1985 in ap long 1990, yumi wok long kamapim gut ol liklik opere-sen bilong yumi we ol politisen i go pas taim ol i dina, dring wain na danis wantaim ol ovasis bisnis man husat i kam insait long kantri long painim isi mani.

Rot we ol samting i kamap insait long wanpela de i go olsem, wanpela bikbel bisnis man i putim hai kwaliti klos na i karim brifkes i pilap long ol K50 not long baim ol biurokresi o ol bikman bilong gavman na ol gavman dipatmen. Na i kam yia 2000, pilai bilong briaberi na korapsen i go bikpela tru na ol institusen o han bilong Stet na gavman

em dispela ol lain i bin kisim PNG long mak em i stap nau long en. Piksa em Se Michael. Em bin stap long pawa moa long 40 yia na wankain tu long Se Julius. Na long ol taim ol bin stap insait long politiks, ol no save tingting long givim fri helt na edukesen sevis i go long ol pipel.

Nesen o kantri i mas wet klostu 40 krismas long wanpela man i tingting," Boi, yumi lus tingting long ofaim pipel fri helt na edukesen". Palamen yet i bihainim we bilong em long rausim pawa long Somare na lain bilong em long ofaim pipel samting bek bihain long ol i sindaun na lukluk long ol manki i pi-

long planti asua i bin kamap long taim Somare na lain bilong em i bosim kantri.

Olsem nau, yumi ken witnesim olsem poliitks em i wanpela as we ol i rausim ol man i go aut long kantri, ol i paiarim o rausim ol het o bos bilong ol Stetuteri koporesen na ol poroman bilong ol i kisim ples. Olsem long keis bilong Telikom we Se Mekere i rausim wanpela kampani eksekutiv na wanpela wokman bilong em long Ministri i kisim ples bilong em. Se Mekere, wanpela taim, yu bin wanpela sinia stetman bilong kantri. Tasol long dispela taim stret, yu no kisim dispela kain luksave.

Bihain yu bin wokim Judas

Loa stopim smok pasin long pablik ples na trenspot

LOA i stap pinis long stopim pablik i smok long ol pablik ples i stap insait long ol haus (enclosed) na pablik trenspot.

Ol manmeri i save smokim sigaret na spia bai was gut nau bikos sapos nogat, ol bai kisim mekim save long peim fain sapos ol i smok long ol pablik ples.

Long dispela wik Tunde, Gelt Minista, Jamie Maxtone-Graham, i tokaut long dispela samting.

Ol pablik ples em ol ples i stap insait long ol haus olsem ol skul, ol stoa, ol haus sik, pablik trenspot olsem ol PMV bas na balus, ol naiklab na ol narapela ples we pablik i save go long ol.

Minista Maxtone-Graham i tok sapos ol i lukim o painim

ol man meri i smok long ol pablik ples em i tokaut long ol, ol bai peim fain we i ken go antap long K1,000.

Em i tok Nesenel Eksekyutiv Kaunsel i tok oraitim pinis dispela polisi na ol bin gesetim long dispela wik Mande.

Em i tok olsem disisen i bihainim deklarisen we ol kantri long Yunaitet Nesen i mekim long pait agensim ol sik we pipel i kisim taim o l i smok, kaikai ol gris na ol kaikai we i mekim pipel i groa patpela na kisim ol kain sik we sapos ol i kisim ol balens na gutpela kaikai i no inap kamap. Smokim tabako olsem ol sigaret, spia na brus i wanpela long ol.

Minista Maxtone-Graham i

toke m i edvasim Helt Dipatmen long kamapim wanpela yunit long go hetim polisi o loa ya.

Em i tok Helt Dipatmen bai wok wantaim ol polis n a ol narapela atoriti i save wok long dispela eria long go hetim dispela polisi.

Dispela polisi i stopim tu salim bilong ol lus smok long waenm, dispela i mekim isi long ol yangpela aninit long 18 krismas long baim smok.

Minista Maxtone-Graham i tok aninit long polisi, ol papa bilong ol pablik ples na ol operetta bilong ol pablik trenspot i mas putim "Noken Smok" sain bilong Helt Dipatmen olgeta taim.

Wol Helt Ogenaisesen rekot i tokaut olsem inap long

2008, samting olsem 36 milian (long 57 milian pipel i dai) em ol i dai long ol Non Komyunikebol Disis olsem sik long lewa i stop nating, kensa, kus na sotwin na sik suga.

Samting olsem 9 milian long ol lain em krismas bilong ol i stap aninit long 60, na 80 pesen ol dai i kamap long ol liklik kantri i wok long develop yet.

As long ol Non Komyunikebol Disis olsem sik long lewa i stop nating, kensa, kus na sotwin na sik suga em long smokim tabako, kaikai bua, dring bia na ol narapela strongpela dring, kaikaim ol gris kaikai, ol dispela i gat planti suga na sol, nogat eksasais, planti wok tumas na wari.



LOA STAP PINIS: Helt Minista, Jamie Maxtone-Graham i soim Nesenel Geset, em Gavman buk i gat ol loa o polisi we Nesenel Eksekyutiv Kaunsel o Kabinet i save mekim. Polisi o Loa long stopim smok long ol pablik ples na trenspot i stap long dispela gavman geset. **Poto: Nicky Bernard**

Ward Strip skul amamas long ol biklain

OLSEM hap bilong Australia wik selebresen i bin stat long dispela wik Mande na bai pinis long dispela wik Sande, Mas 11, Hai Komisn bilong Australia i bin kisim sapot long PNG NEL Bid na i lukim sampela Kumul

pilaia i go raun long Ward Strip Demontresensku l insait long Mosbi long dispela wik Mande.

Tim i bin toktok long ol sumatin long wokhat, tingim na plenim bihain taim bilong ol, rispektim ol yet long kamap ol gutpela man-

meri, go het long kisim na skruim save na ol i ken inapim ol driman bilong ol.

Skul i bin amamas tru taim Hai Komisn bilong Australia, PNG NRL Bid na Brisben Bronkos, i givim ol bek bal i go long ol.

Dispela em i

namba 6 Australia Wik we i soim kalsa bilong Australia we i soim tu rot we tupela kalsa i gat sampela samting i klostu wankain namel long ol.

Wik ya em i selebretim pren pasin namel long tupela kantri.



HARIM: Ol sumatin bilong Ward Strip Demontresenskul insait long Mosbi i putim ai na yau na harim ol lain bilong Hai Komisn bilong Australia, PNG NRL Bid na Brisben Bronkos, i toktok long ol. Bihain ol bin prisenim ol wantaim ol bal we ol sumatin bai yusim long pilai wantaim. **Poto: Hai Komisn bilong Australia Pablik Rilesens**



PNG EDUKESEN EDVOKESI NETWOK

"Rausim ol samting i stopim ol pikinini meri na ol narapela meri long edukesen"

LONG Intanesenel De bilong ol Meri, planti tausen long olgeta hap bilong wol bai selebretim o luksave long ol wok go het ol meri na ol pikinini meri i kamapim long sait bilong politiks, ikonmik na sosel eria.

Het tok bilong dispela yia, **"Connecting girls, inspiring futures,"** o long Tok Pisin, **"Bungim ol pikinini meri wantaim, kamapim gutpela bihain taim"**, i mekim ol lida bilong ol kantri long nesenel, provin-sel na lokal level gavman level bilong kamapim ol gutpela plen bai rausim ol "barrier" o ol samting i stopim ol pikinini meri long gat gutpela edukesen na ol i ken go long skul na stap, sapos yumi laik i napim ol intanesenel komitmen yumi bin mekim long pinisim turangu pasin, kamapim gut riprodaktiv helt bilong ol meri na ol mama na ol pikinini meri na jenda i kwaliti, o wankain luksave long ol man na meri wantaim.

Edukesen em i bikipela samting na i no long daunim turangu pasin tasol, tasol long stopim pasin bilong mekim ol pikinini we krismas bilong ol i no inap yet long mekim ol bikipela wok long hatwok (child labour), daunim mak bilong givim binatang bilong HIV i go long ol pikinini meri, kamapim gut sindaun bilong ol famili na ol komyuniti, na brukim o stopim pasin bilong paitim na bagarapim meri.

Long sait bilong edukesen bilong ol gels o ol pikinini meri long PNG, em no gutpela. Dispela i kamap long ples klia insait long wanpela wok painim ripot we Edukesen As-esmen na Literesi Sevei PEAN i bin kari-maut wantaim wok bung namel long Esia Saut Pasifik Asosiesen bilong Besik Adal Edukesen (ASPBAE), Australia. Sevei o wok painim ol bin karimaut long Simbu, Galp, na Sandaun provins i soim olsem mak bilong literesi o ol pipel we i ken rit na rait long dispela tripela provins i stap daun-bilo long 15 pesen mak, taim long Nu Ailan provins na NCD, literesi ret o mak long ol manmeri i ken rit na rait i stap long 25 pesen. Ol dispela level o mak i stap daun-bilo tru long dispela we PNG i sanap long em skelim wantaim long i ntanesenel level, em 52 pesen.

Tru, i nsait long ol plen bilong gavman, em i laik bai moa pikinini meri i mas stap long skul. Tasol mak bilong ol long stap bek long skul na skruim skul i stap daunbilo na liklik lain pikinini meri tasol i save go long sekonderi skul level. I gat planti samting i stopim ol pikinini meri bilong go na stap long skul yumi mas edresim o stretim. Ol samting long ol skul olsem nogat gutpela toilet na wara, ol kolis i gat ol pikinini man tasol i nogat ol fasiliti bilong ol meri, ol tisa tu i no soim intres long skulim ol pikinini meri, i no givim ol skul sabsidi mani hariap long ol skul i save bagarapim kwaliti bilong edukesen na ol pikinini na moa yet, laik na tingting bilong ol pikinini meri long skruim skul bilong ol.

Long polis level, ol spes i stap long non fomol sekta we ol i nogat Non Fomol Edukesen polisi na Non Fomol Edukesen Ekt, olsem na em i blokim sans bilong ol meri na ol pikinini meri long skruim skul bilong ol i go moa.

Long komyuniti level, ol pikinini i kisim mekim save long asua bilong ol papamama long no peim ol skul fi long taim stret bilong em. Na presa we ol papamama na komyu-

niti i putim long ol pikinini long stap bek long haus na helpim ol famili, i stopim sans bilong ol pikinini meri i skruim skul na ol i ken kontribuit long inapim visen o driman bilong kantri we ol pipel bilong em i mas rit na rait, smatpela, helti na welti o ol i gat planti samting.

PEAN i bilip olsem strongpela politikel sapot long givim praioriti long edukesen bilong ol pikinini meri bai kamapim senis long situesen o stap long dispela eria.

PNG Edukesen Edvokesi Netwok i tok amamas long planti ol pikinini meri na ol narapela meri husat i lukautim gut ol famili bilong ol, na we i mekim gut namel long ol salens we ol meri i bungim long olgeta de taim ol i mekim ol wok bilong ol, ol dispela we ol famili i stap gut wantaim na tu, ol dispela mama i no save wokim bikheth pasin, tasol i save stap pas wantaim wanpela man.

PEAN i singaut long gavman na ol atoriti i go pas long ol ejensi long:

- Go hetim *Lukautim Pikinini Ekt o Loa* we ol papamama i feil long karimaut ol wok bilong ol long givim besik nits long ol pikinini bilong ol;

- Developim Non Fomol Edukesen Polisi na Non Fomol Edukesen Ekt long pasim spes na mekim nogut long planti meri na ol pikinini meri husat i no pinisim skul bilong ol na ol i lukim ol olsem ol samt-ing nating;

- Harim toktok bilong ol pipel long Sandaun, Simbu na Galp provins we ol bin kari-maut ol komyuniti fitbek sevei o wok painim, long Palamen i kamapim gut ol rot samting we bai kisim sevis i go aut. Ol gav-man ejensi we ol wok i kam aninit long ol sevis ya i mekim ol wok stret, na sapos ol sevis i no go aut gut long pipel, asua bai stap long ol na ol bai ansa. Dispela em ol sosel sevis olsem edukesen, helt na pawa we ol i mas kisim i go long ol rurel eria.

Taim Fri edukesen Polisi i gutpela samt-

ing, planti pikinini i stap yet long ol strit i nsait long Mosbi. Dispela i soim olsem ol pikinini meri i wok long painim hat long kisim spes long ol narapela senta bilong kantri.

PEAN i wokim rekomendesen olsem ol skul menesmen i mas givim wankain trit-men na luksave i go long olgeta pikinini, maski ol i man o meri, long gat spes i nsait long ol klasrum.

PEAN i wokim rekomendesen olsem Gavman i mas:

- Lukim olsem i gat ol narapela rot long ol pikinini i go skul olsem long gat ol "sift" skul long ol dispela i nogat spes insait long ol klasrum ong san taim, na ol i ken skul long nait. Tru, long mekim dispela, i mas gat moa pipel i go long skul tisa.

- Gat ol nupela tingting long kamapim ol nupela samting olsem ol samting we ol sumatin i ken wokim ausait long ol nomol lesen o skul bilong ol long ol dispela pikinini i no gutpela tumas long ol klasrum wok i ken kisim spots skolasip, prektikel skul long envaironmen stadis, agrikalsa na ol besik risets program o long fainens.

- Strongim literesi long ol bikipela man-meri (adult) na ol dispela yangpela husat i bin lusim skul. Em i ken mekim dispela taim em i go hetim ikuivalensi Sistem we bai helpim ol literesi sumatin long pinisim skul bilong ol long fomol edukesen skul sistem. Edukesen em i rait bilong olgeta pipel bilong dispela kantri na i nap olgeta rot i pinis, ol pipel bilong yumi i karamapim ol pipel na ol pikinini i gat ol hap bodi i bagarap, ol turangu lain, ol lapun na ol dispela we sosaiti i no bisi long ol we planti em ol meri na pikinini bilong PNG, bai i nogat inap eduke-sen sevis i go long ol.

Priscilla Kare

Priscilla Kare
Eksekyutiv Dairekta

Ol Susu Mama kisim bikpela helpim

SUSU Mama grup long kantri i ken go hetim gut wok bilong ol long helpim ol mama na ol pikinini na tok tenkyu i go long Stim-sips Trading Kampani we i bin givim K100,000 i go long ol (Susu Mama) long dispela wik.

Taim em i givim sekman i go long ol Susu Mama lain, Sif Operesens Opisa bilong Lojistiks wantaim Stim-sips, Tom Owens, i tok helt na sosel welfea em i wanpela ki o bikpela eria we Stim-sips olsem wanpela koporet kogenaísesen i gat wok long kamapim gut.

Em bin tok Stim-sips Trading i bin statim wok patman wantaim Susu Mama grup long las yia, na nau, Susu Mama i wok long givim sevis long Goroka Hospital long sait bilong "visit" sevis o wokim raun i go long haus sik. Na tu, long promotim olsem o moabeta long ol mama i givim susu bilong ol yet i go long ol bebi.

Mista Owen i tok kaunseling we ol Susu Mama i givim long ol klinik bilong ol long susu bilong mama i gutpela moa long ol nara-pela, givim gutpela kaikai, klinik bilong ol bel mama

na ol dispela i gat ol nupela bebi, banis sut na famili plening i helpim long daunim namba bilong ol mama i karim pikinini na i dai, na tu, ol liklik pikinini krismas bilong ol i stap aninit long 5-pela yia i go daun long wanpela de.

Olsem na em i tok Stim-sips i amamas long dispela.

Susu Mama grup i wok long PNG moa long 30 krismas, na driman bilong en em long daunim namba bilong ol mama i karim pikinini na i dai, na tu, ol liklik pikinini krismas bilong ol i stap aninit long 5-pela yia i go daun long wanpela de.

Em i mekim dispela long wok bilong promotim mama na bebi fren prektis long sait bilong edukesen, kaunseling, kea na tritmen.

Long klinik bilong ol i stap long Pot Mosbi Jenerel Haus sik hap, em i save lukim na helpim samting olsem 1,200 insait long wanpela mun.

Long 2010 na aninit long ol sevis bilong ol, ol nes i bin lukim 14,500 mama (long wanpela yia) na 21,000 i bin go long ol ebem helt klinik ya.

Ol yangpela mama i no givap Skruim stori i kam long Isu 1957

PLANTI yangpela pikinini meri long Australia husat i bin gat bel taim ol i gat 15 krismas na ol i stap long hai skul i bin lusim bilip olsem bai ol i gat bihain taim.

Tasol nau, Misin Australia i givim ol hop na bilip na ol i gat sekon sans long go bek long skul na skruim skul bilong ol.

Ol stori bilong ol i ken givim skul na tingting long sampela ol yangpela meri long PNG i stap long wankain wari na hevi.

Plantil ol yangpela mama i serim ol wankain stori na begraun.

Leesa Laporte nau i gat 18 krismas. Em bin gat belt taim em i gat 16 krismas na i lusim skul long wanem, ol narapela manmeri i no lukluk gut long en, na ol i tro-moim ol kain tok nogut. Shianne Marsters nau 17 i bin lusim skul taim em i gat 15 krismas na em i bel taim Latisha Samupo nau 20 krismas na i mama bilong tupela pikinini nau i bin lusim skul taim papamama bilong em i bin brukim marit bilong ol taim em i gat 16 krismas.

Plantil taim, ol yangpela mama olsem ol dispela i lus lain wantaim ol gutpela

poroman bilong ol taim ol i gat bebi. Na ol i nogat poroman na ol i stap sori na pilim ol i nogat hop long laip.

"Wanpela astingting mi kam insait long progrem (bilong Misin Australia na skul) em bikos mi "lonely" o mi nogat poroman long toktok o sea wantaim," Leesa Laporte i tok.

"Plantil ol poroman bilong mi i bin stop long kam lukim mi long wanem, ol i laik go aut na amamas, tasol yu no inap mekim olsme sapos yu mama.

"Tasol hia, mi bungim plantil lain husat i luksave long kain stap olsem long mi, na mipela i kamap ol gutpela poroman," Leesa i tok.

Stuart McGougan husat i bin statim Misin Australia we i givim sekon sans long ol yangpela mama, i tok spirit bilong stap pren wantaim long toktok na sea em i bikpela samting.

"Pastaim, ol dispela yangpela meri i stap ol wan yet na ol nogat gutpela samting i kamap. Tasol nau, ol i gat ol poroman na sapot. Em i olsem mama grup we i kisim ol i go long skul bilong kisim hai skul kwalifikesen bilong ol.



GIVIM LONG HELPIM OL MAMA NA OL PIKININI:

Sif Operesens Opisa bilong Lojistiks wantaim Stim-sips, Tom Owens, i givim K100,000 sekman i go long tupela bikmeri i makim ol Susu Mama grup, Coleen Westaway na Amanda Adams.

Poto: Stim-sips Pablik Rilesens opis

PNG SUSTAINABLE DEVELOPMENT PROGRAM LTD

OL SKOLASIP BILONG PNGSDP

TAIM PNGSDP i bin go insait long wok bilong helpim ol sumatin long Westen provins long inapim ol gol bilong ol long ol bikpela skul long Australia na PNG, mipela i no bin ting olsem bai mipela i kisim planti intres o laik long ol lain i laikim helpim bilong mipela. Mipela i givim pinis skolasip long moa long 2,000 sumatin, na 900 moa i aplai long ol nesenol skolasip.

Long lis we PNGSDP i sponsarim nau, i gat sampela sumatin i wokim gut stret long ol risal na skul bilong ol.

Norah Gire bilong Daru i go bek skul long Melbon long wokim namba wan yia skul long Jenelisim long RMIT, bihain long em i bin pinisim gut faundesen yia bilong em.

Greg Ransly i bin kamap daks long skul bilong em long Kiunga, na nau PNGSDP i sponsarim em long wokim Aplaid Fisiks long Yunivesiti bilong Teknoloji long Lae.

Isaac Linus i wokim gut long skul long Kiunga na nau i statim Digni long Civil Enjiniering kos long Yunivesiti bilong Teknoloji long Lae.

Olton Peter bilong Kiunga em i wanpela paionia sumatin long intenesehel skolasip progrem i wokim gut long skul bilong em na kisim ol gutpela mak. Em i go bek long RMIT long wokim namba 2 yia long stadi long basela progrem long Kemikel Enjiniering.

Albert Yamak bilong Daru i bin mekim gut long Faundesen Yia long RMIT las yia na long dispela yia, em i go het long stadi bilong Mekenikel Enjiniering.

Taim yumi lukim hatwok bilong dispela liklik sumatin grup, yumi lukim tu helpim na sapot we progrem bilong PNGSDP i kamapim na 41 sumatin i go hetim stadi nau long ol wan wan eria long 6-pela institusen o bikpela skul long PNG na long stet bilong Victoria long Australia.

Mipela i save olsem fanding sapot we PNGSDP i givim long ol dispela sumatin na maski sampela i no inap mekim gut tumas, tasol ol samting ol i lainim, na save ol i kisim bai helpim ol long laip bilong ol na long developim Westen provins. Mipela i putim was na amamas long lukim ol wan wan sumatin i go het long stadi bilong ol.

Mi bin lukim wanpela sain long wanpela hap we i tok "Sapos yu ting olsem edukesen em i dia tumas, i moa beta yu lukim kos bilong man i no go skul na i no kisim save we edukesen i givim". Long lukluk bilong mi, wanpela ki o bikpela samting long mekim gut em long kantri bilong yumi i mas gat luksave long gutpela bihain taim em, i no long ol pikinini bilong yumi i go long skul, tasol ol i mas kisim kwaliti edukesen we ol i ken resis long intenesehel level. Yu no inap long kisim samting yu no bin planim.

I kam long tebol bilong CEO (Article #8 bilong 2012)

CEO: David Sode

Tel: (675) 320 3844/45 | Fax: (675) 320 3855 | Email: enquiries@pngsdp.com
Website: www.pngsdp.com

Sios nius long poto



SANDE LONG SOHANO : Wanpela mama bilong Buka wantaim ol pikinini na ol narapela famili memba i wok long go bek long ples bilong ol long naispela Sohano Ailan, bihain long Sande sios sevis long Buka Ailan. **Poto: Veronica Hatutasi**



AMAMAS NA REDI: Luteran Sios i save holim bikipela sios bung bilong em ol i kolim long “sinod bihain long olgeta tupela yia. Karkar singsing grup I redi long putim kamap tumbuna singsing na danis bilong ol long soim amamas taim ol j harim olsem Karkar Ailan Luteran Sios bai lukautim namba 28 sinod long yia 2014. **Poto: Paulus Tali**



SIOS SEVIS: Sampela ol Katolik pater I stap long wanpela lotu long Don Bosco sios, Mosbi. **Poto: Nicky Bernard**



God Yet i save makim Gavman Pastor O’Hare i raitim

OLGETA manmeri i mas stap aninit long ol gavman.

Yumi save i nogat wanpela gavman i kamap nating, Nogat! Olgeta wok bilong gavman i kamap long han bilong God tasol.

Na olgeta gavman i stap bikos God yet i putim ol na ol i stap.

Olsem na ol man i sakim tok bilong gavman, ol i sakim tok bilong ol man God yet i bin putim long wok bilong ol. Na ol man i mekim olsem ol bai i kisim pe nogut long pasin ol i mekim.

Ol gavman i no stap long pretim ol manmeri i mekim gutpela pasin, nogat.

Ol istap bilong pretim ol manmeri i mekim pasin nogut.

Olsem na sapos yu no laik pret long gavman, orait yu mas mekim gutpela pasin tasol na em bai liptimapim nem bilong yu.

Gavman em i wokman bilong God bilong helpim yu na mekim yu i stap gut.

Tasol sapos yu mekim pasin nogut orait yu mas pret. Yu save, gavman i holim bainat (LO), na em i no holim nating.

Em i wokman bilong God bilong bekim pe nogut long manmeri i mekim pasin nogut.

Olsem na yumi mas stap aninit long gavman, na yumi noken pret long dispela pe nogut tasol na bihainim tok bilong em.

Nogat, yumi mas save long bel bilong yumi yet olsem dispela pasin i stret. Olsem na yumi save tromoi takis tu long wanem, ol Gavman i stap wokman bilong God na oltaim ol i save strong long lukautim dispela wok God i givim ol.

Wanem samting i mas givim long gavman, orait yumi givim long ol. Yupela i mas givim ol kainkain takis long man bilong kisim takis.

Na sapos yumi stap aninit long wanpela man, orait, yumi i mas harim tok na soim gutpela pasin long em.

Na sapos man i stap bikman, orait yupela i mas givim biknem long em (Romans 13:1-7)



BANKA BILONG OL SIAPAN: Ples Hahela em hetkota bilong Katolik Sios long Buka i gat ol planti banka we ol lain Siapan (Japan) i bin wokim long Wol Woa 2, moa long 60 krismas i go pinis. Tupela liklik brata na susa i sanap klostu long wanpela ol banka taim Wantok i bin bungim ol. Ol Siapan i bin yusim ol banka olsem ol opis na tu, long stap na hait long ol. **Poto: Veronica Hatutasi**



Ileksen save abrusim ol bikbus lain

Olgeta taim bilong nesanel ileksen, planti manmeri save tok ol i no vot bikos nem bilong ol i no stap long buk Elektorel Komisin. Planti taim ol save komplem olsem ol opisa bilong Elektorel Komisin i no go long hap bilong ol long kisim vot bilong ol.

Em ol sampela komplem na kros we i save kamap na sampela taim dispela kain kros i save mekim ol kendidet i lus save go long kot long askim Elektorel Komisin long kamapim vot gen.

Planti lida na ol kendidet save tok planti lain bilong ol i no vot bikos ol nogat nem o ol opisa i no go kisim vot bilong ol pipel bilong ol. Ating ol dispela kain toktok em tru bikos taim ol Elektorel Opisa bin go long kisim nem, taim i sot na ol kisim nem bilong ol sampela tasol na go bek pinis. Planti taim ol opisa tok mani i no inap long baim



kar o ol lain long sapotim ol long go insait long ol bikpela bus na longwe hap long kisim nem bilong ol manmeri o kisim vot bilong ol.

Kainkain bekim em Elektorel Komisin save givim taim komplem olsem save kamap. Olsem na bai yumi stretim dispela kain hevi olsem wanem?

Eleksen em taim bilong olgeta pipel bilong Papua Niugini long vot na noken abrusim wanpela man o meri bikos Lo i l uksave long olgeta pipel i gat rait long vot.

Nau yumi harim olsem Gavman laik surukim taim bilong eleksen go moa liklik tasol Oposisen na ol saveman bilong Lo i tok nogat long dispela bikos dispela bai brukim Lo bi-

long kantri long surukim eleksen taim i go moa. Eleksen em bihainim Mama Lo bilong kantri olsem na yumi mas mekim samting bihainim Lo.

Gutpela long olgeta Provinsal Elektorel Opisa mas tokaut long wanem wok ol mekim pinis na sapos olgeta samting i rait long ol long go het wantaim eleksen long mun Jun. Yumi mas save go long olgeta provins sapos ol samting i rait.

planti hap bilong Papua Niugini em bikpela bus, maunten na wara i katim na wokabaut bilong ol Elektorel Opisa go long kain hap olsem save hat. Ol mas go long helikopta long kisim nem bilong ol manmeri na tu kisim vot bilong ol pipel long kain hatpela hap olsem.

Ol Gavman na bikpela saveman bilong yumi long opis ken autim kainkain tingting na save bilong ol tasol ol wokman long

provins na distrik mas tokaut klia sapos ol samting i redi long sait bilong ol o nogat.

Planti kendidet bin komplem pinis olsem ol pipel bilong ol i no vot bikos Elektorel Opisa i no go long hap bilong ol bikos long maunten na bikbus o bikpela wara i pasim rot. Olsem wanem, bai Gavman i givim sans long ol na salim helikopta wantaim balot pepa go long ol long vot o nogat?

Elektorel Komisina Andrew Traven i tokaut long nius olsem mak long 75 pesen (%) pipel long PNG i gat nem pinis long eleksen buk long vot. Dispela i soim olsem 25 pesen em ol lain long bikbus maunten na longwe hap husat bai nogat sans long vot long 2012 nesanel ileksen.

Sapos ol longwe lain olsem i no vot, orait luksave long ol na stretim rot na bris bilong ol bai bihain taim ol ken isi long votim lida bilong ol.

WANTOK KOMENTRI

Gavman holim Sief Jas bilong kantri

Pawa bilong Nesanel Gavman em strong tumas olsem na dispela wik yumi lukim polis i holim na sasim Sief Jastis Sir Salamo Injia long sampela ripot, Gavman i laikim em mas kot long en long las yia i kam.

Pastaim, gavman i ting Sief Jastis i gat sampela asua i stap long em olsem na ol bin askim long wok painimaut mas kamap long sekim dispela. Tasol Sir Injia bin kamapim wanpela kot we i stopim dispela wok painimaut na tu long stopim kot egensim em. Kot i bin harim na rausim dispela kot egensim em.

Tingim, Sir Salamo Injia em het bilong Kot na olgeta mejistret na ol Jas insait long Papua Niugini na gavman i kamapim dispela salens long em long lusim opis o sia bilong em na wok painimaut mas kamap long em long sampela tok na wok paul insait long wok bilong em.

Planti tingting krangi bai kamap nau long ol pipel bikos ol bai tok Peter O'Neill Gavman i laik rausim Sir Salamo Injia long wok bilong em bai em noken harim dispela kot bilong Is Sepik Provinsal Gavman egensim Gavman bilong em. Dispela kot em bilong sekim na stretim Loa we i tokaut long Gavman bilong Peter O'Neill em stret o Gren Seif Sir Michael Somare em Praim Minista bilong Papua Niugini. Dispela kot em stap yet long Suprim Kot we Sif Jas Sir Salamo Injia bai harim wantaim ol Jas bilong em long Suprim Kot.

Wanem samting polis i holim na sasim Sif Jas long em em samting bilong kot. Tasol tingting bilong ol pipel bilong Papua Niugini tasol bai narakain stret nau long kain pasin bikos long ol bikpela kot we i stap pinis long Kot haus.

Wanpela bikpela kot em long gavman bilong Peter O'Neill i bihainim stret Loa o nogat o Somare em Praim Minista. Na tu i gat Kot egensim Deputi Praim Minista Belden Namah na Atoni Jenerel Minista Dokta Allan Marat we Sif Jas bin odaim. Tupela Minista ya bin baim beil na wetim kot ya i stap yet. Dispela em ol kolim kontemp kot.

Yumi no save bai ol dispela kot bai go olsem wanem sapos Sief Jastis Sir Salamo Injia i step daun o lusim sia bilong em long pinisim kot bilong em na klaim nem bilong em pastaim. Ol saveman bilong Lo na Judiseri mas tok klia long yumi ol pipel long dispela.

Dispela em namba wan taim tru insait long rekot bilong Papua Niugini long Sief Jas bilong Papua Niugini i gat Kot egensim em na em bai sanap long ai bilong kot long bekim ol askim na toktok we i sut egensim em.

Tasol tok i stap pinis olsem, nogat wanpela man o meri i antap winim Mama Loa bilong Papua Niugini. Maski bikpela saveman, Praim Minista, Minista Loya na Jas o bisnisan. Yumi olgeta i stap aninit long Loa na em wok bilong yumi long daunim yumi yet na bihainim Loa.

Moabeta olgeta memba bilong Palamen mas save tu olsem ol tu i stap aninit long Loa na ol mas wok aninit na bihainim Loa.

WANTOK

Published Weekly, Thursday, for
Word Publishing Company, Ltd.
P.O. Box 1982, Boroko, NCD
Papua New Guinea

Telephone: (675) 325 2500

Fax: (675) 325 2579

Email: editorial@wantok.com.pg

Pe bilong wanpela yia
52 niuspepa

Ples:

PNG

AUSTRALIA

ASIA PACIFIC na JAPAN

AMERICA na EUROPE

Air:

K220.00

US\$110.00

US\$150.00

US\$210.00

General Manager
Elizabeth Konga

Editor
Neville Choi

Published at
Portion 445, Kanage Street,
Six Mile NCD

Word Publishing Company Limited is owned by the four major churches of Papua New Guinea - Catholic 55%, Lutheran 25%, Anglican 10%, United Church 10%. The company reserves the right to accept or reject any advertisement or other material submitted for publication which it deems contrary to the public interest at its absolute discretion. The publisher's general terms acceptance are available at Word Publishing Company Ltd and are set out full on the display advertising form.



TOK PISIN NEWS
from Radio Australia
radioaustralia.net.au

Harim TOK PISIN long
Radio Australia
101.9FM
Port Moresby

Tok Pisin Service
6am - 7am 6080; 7240(KHZ)
7pm - 9pm 5995; 6020; 9710; 1280(KHZ)

Planti tausen pipel blong Australia i ron- awe long haiwara

STET bilong Nu Saut Wels long lsten Australia i wok long kisim taim yet long ol bikpela ren we i kam inap nau, taitwara i kilim dai wanpela man pinis.

Ol atoriti long Australia i rausim kwik ol pipel insait long Wagga Wagga long saut bilong Nu Saut Wels bikos haiwara i kamap klostu long planti ol haus.

Moa long 8,000 pipel i kisim oda pinis long ol atoriti long lusim ples bilong ol taim wara mak long Murrumbidgee i wok long go antap moa yet.

Biuro ov Mitioroloji i bilip olsem dispela bai go antap long 10.9 mita we ol i tok dispela bai abrusim mak bilong haiwara long 1974.

Ol lain bilong Stet Imejensi Sevis (SES) i was long dispela i stap.

Planti tausen pipel bilong taun i bin lusim haus long nait na ausait long ol mauten eria.

Wagga Wagga taun i bungim ol taun bilong Forbes, Lockhart, Parkes na Tumut insait long dispela birua bilong bikpela haiwara.

Ol atoriti i bin tokim ol pipel bilong 5-pla liklik taun long Riverina long lusim ol haus bilong ol, long wanem ol i ting olsem 200-tausan megalita long ol wara bai kapsait na lusim wanpela dam we inap kamapim bikpela birua moa.

Ol i kisim pinis bodi bilong wanpela man bilong Victoria i gat 43 krismas bihain long ol i bin painim em long wanpela wara long Sauten Nu Saut Wels. Dispela man i bin wok long stap long kar bilong en wantaim tupela pren bilong en taim ol hai wara i bin kisim kar bilong ol. Komisina bilong Stet imejensi sevis, Murray Kear, i tok dai bilong dispela man em i wanplea samting bilong sore long en, tasol em i soim tu olsem ol hai wara inap kilim ol pipel.

Ol polis long Vanuatu i askim ol sif long wok wantaim ol long daunim kraitim.

POLIS long Vanuatu i mekim dispela askim bihain sampela wari olsem pasin bjloug stilim ol samting long ol narapela pipel i wok



WARA: Bikpela tait wara i pulap na pasim ol rot na haus long Lockhart long Wagga Wagga long Sauten Nu Saut Wels long Mas 4.

long go antap.

Vanuatu, i wankain olsem ol nara-pla kantri bilong Pasifik rijen we planti pipel long ol rurel eria i wok long surik i go long ol taun long painim wok.

Tasol Deputi Polis Komisina long Vanuatu, Arthur Coulton, i tok sampela taim sapos ol dispela pipel i no painim wok, ol i save mekim ol pasin olsem bilong painim mani long helpim ol yet na ol famili bilong ol.

Wanpela Yunivesiti long Not Kwinslen, i helpim gut PNG

OL PIPEL bilong PNG i mas amamas na luksave long ol gutpela helpim em James Cook Yunivesitit Univesiti, i save givim i go long PNG.

Dispela toktok i bin kam long ekt-ing Sekreteri bilong Dipatmen bilong Komyuniti Developmen long PNG, Anna Solomon. Mis Solomon i bin mekim dispela toktok long Fraide, long wanpela miting em i bin kamap long em long Cairns, we ol i bin toktok long ol gutpela wok bung em James Cook Yuniversity i save mekim wantaim Papua New Guinea. Anna Solomon i tok James Cook Yunivesiti i givim pinis planti gutpela helpim i go long kantri.

Solomon Islands

Praim Minista kisim laspela ripot

SOLOMON Ailan Praim Minista, Gordon Darcy Lilo, i kisim pinis laspela ripot bilong Truth na Reconciliation Commission.

Dispela ripot i bin bihainim ol wok painimaut i go long ethnic tensen o ol wanpinis o traibal pait i bin stat long 1998 namel long ol pipel bilong Guadalcanal provins na Malaita, bihainim ol kros long graun long Guadalcanal provins. Planti pipel long tupela sait wantaim i bin dai long dispela trabel em i bin pinis long mun July 2003, taim Rijinel Asisten Misin i go long Solomon Ailan em Australia i go go pas long en i bin kamap long k a n t r i . Long Tunde long wik i go pinis, siaman bilong Truth na Reconciliation Commission, Pater Sam Ata i bin givim dispela ripot i go long praim minista.

Ol gaden kaikai i moa beta long ol stoa kaikai?

OL stadi bilong ol pipel long viles na taun i bikpela samting long ol NGO na gavman wantaim, long skelim ol wok long komyuniti na kantri.

Long las yia, tripela yunivesiti

bilong Australia na Fiji i bin bungim Oxfam Australia long kari-maut wanpela wok painim o seve we, ol i bin toktok wantaim 1,000 pipel bilong Solomon na Vanuatu insait long taun na ol rurel eria. Nau dispela wok painim i bin lukim planti ol isu bilong wok ikonomi, helt, edukesen na laip long taun na laip long viles i semmak taim em i kamap long ol meri, man na ol yut.

Moa longen, long taun, taim kos bilong rais na tinpis i go antap, ol wantok long viles tu bai bungim wankain hevi.

Ikonomik Edvaisa bilong Oxfam Australia, Lachlan McDonald, i tokim Redio Australia olsem dispela ol wok painim i mas kamap long stiaim ol wok em ol gavman lain i mas mekim long komyuniti.

GG bilong Australia i givim mak long ol nupela minista

TASOL 'swearing-in' o wokim tok promis bilong nupela Foren Afeas Minista, Bob Carr, bai kamap sampela taim bihain.

Tok aut bilong dispela ol senis i bin kamap long Fraide bihainim yet wanpela longpela wik insait long ol hevi bilong politik long Canberra.

Dispela i bin stat long Mande las wik we, Julia Gillard i bin kisim

bikpela sapot long rausim Kevin Rudd long Foren Afeas ministri i go long bekbens na pinis wok bilong Mark Arbib long palamen. Long Fraide, Praim Minista Ms Gillard i bin mekim wanpela 'surprise' tok aut taim em i makim man husat i bin primia bilong New South WaNu Saut Wels pastaim, Bob Carr, long em bai joinim Senet na kisim wok bilong foren afeas minista.

Mista Carr bai kisim dispela wok taim NSW Gavman i tok orait long en olsem wanpela senet bilong Stet.

Long namel taim, Craig Emerson, husat i kisim wok olsem Minista bilong Tred na Kompetetivnes, bai lukautim wok bilong Foren Minista i go nap Bob Carr i kisim wok.

Polis long PNG i holim pasim sinia jas bilong kantri.

OL ripot i kam long PNG i tok ol polisman wantaim gan i bin holim pasim Sif Justice Salamo Injia long ol opis bilong Suprim Kot insait long Pot Mosbi tude moning. Wanpela tokman bilong polis i tok i tru Salamo i stap nau long polis rum gad tasol i no gat toksave long watpo em i stap long hap. Gavman blong Peter O'Neil i bin traim long rausim Sif Jastis long opis long ol tok-win olsem em i no mekim gut wok bilong em.

PacificBEAT

4. 5. 6am & 4pm. 5pm
including sport

Listen to Radio Australia
101.9FM Port Moresby

Radio Australia current affairs programme which focuses on island nations, bringing you morning and evening coverage of Pacific current affairs including interviews with political leaders, newsmakers, and the people who make the Pacific beat.

Mon kamap sho
Notis Bod
- COCA COLA GARAMUT
ngra Kennedy
YUMIFM NIUS SENTA
- komiuniti awenes program
Nait Beat - Isi Cruz long nait
UKIM TULAIT SHOW - Host: Tuluvan
ata Rat
n Taim Cruz (ol lain brukim tulait shift)
quest / Tok pilai
pani long ol nait shift.

- Wiken Sanrais Host: Talaigu Sophie
- Sarere Monin Cruz
Monin Treks
National Weekly Hit Parade - Host:
VHP
NIUS - YUMIFM Nius Senta
2nd aua NWHP

Sarere belo cruz - Host: Tuluvan Vitz
1pm - 2pm - Sarere Belo Taim Dedikesen
2:00pm NIUS - YUMIFM Nius Senta
2pm - 6pm - Sarere Avinun Cruz
6:00pm NIUS - YUMIFM Nius Senta
6pm - 00:00am - Nait beat
7pm - 9pm - Coca Cola Garamut
9pm - 00:00:0am - Nait cruz
00:00am - 6am - Brukim Tulait Show

Wiken - Sandei
6am - 10am - Wiken Sanrais / Sandei Monin
wokabaut Musik
- Monin Treks
10am - 12noon
12noon NIUS - YUMIFM Nius Senta
12 - 2pm - Sandei Belo Taim Musik
2:00pm NIUS - YUMIFM Nius Senta
2pm - 6pm - Sarerei Avinun Dravim Musik
6pm - Nius - YUMIFM Nius Senta
6pm - 8pm - GOSPEL REKWES AJUA
8pm - 00:00am - Late Nait Cruz - Poroman Aua
00:00am - 6am - Brukim Tulait Show

Program Director - YUMIFM - Kasty

Raun wantaim W

Australia wik kainkain ama

Nicky Bernard i raitim

DISPELA wik em i amamas wik bilong ol manmeri bilong Australia, ol i kolim long Australia wik. Na long PNG, ol manmeri bilong Australia stap insait long kantri bilong yumi bai mekim wankain amamas bilong kantri bilong ol.

Long Mande dispela wik, ol i openim Austria wik wantaim piksa na ol droing ol penim long ples bilong ol. Dispela ol pen piksa em bilong tumbuna bilong ol bilong bipo. Sampela bilong piksa tu ol soim em bilong ol wankain kala skin olsem yumi.

Dispela wik ol bai mekim kainka dispela kriket, Long piksa lukim, Yunive Lam musik sampe



Stail ya, Naomi Kilsby na Veretere Apisai, bilong Eviet Arts Klab i lukluk strong long wanpela stail droing long wol bilong Australia Hai Komisn long taim bilong opening long Australia wik. **Poto Nicky Bernard.**

antok kru ...

pulim mas

pilai na bai pinis long wiken. Em ol pilai olsem ngbi na netbol.

nait,ol bai soim ol sotpela ng ol manmeri i ken go a dispela bai kam long ti tiata hap.

na bai holim wanpela a danis nait bilong ol, na ol musik manmeri long

Australia i kam pinis long Papua Niugini long stap long dispela de bilong ol.

Australia i em wanpela long ol kantri i save helpim yumi gut tru long sampela helpim, na de bilong ol planti ol manmeri bilong Papua Niugini i bin stap namel long ol long amamasim de bilong ol.



93FM YUMIFM National Weekly Hit Parade:

Produced & Host by: Kasty

Statistics: Tahaigu Sophie & Foreman Crew

Week Ending: Saturday – 10th March 2012

Week Before	Last Week	This Week	Charting Song:	Artist:
1	1	1(4)	Hidden Valley	Bush
2	2	2(4)	Orcid V. Las	Leonard Kania
3	3	3	Sarefata	Garry Vailuna ft Jaggly
5	4	4	B.K.	Unique ft Jay Roston
4	5	5	White Rose	Leonard Kania Jr
6	6	6	Me found love	Jokers
8	7	7	Sommit	Leonard Kania Jr
8	8	8(4)	Black Baby Love	Chris Sene ft Naka on Nalokos & Dredsy Bones
9	9	9(4)	Nemo Dintaga	Bush
10	10	10(4)	Kiri	Reggie ft Twin Triller
11	11	11(5)	Kiri O	Channel X Crew
14	13	12	My People	Jah'varuz ft P. Naka
12	12(4)	13	Besa Mori	Sharry ft Blad Fitz
15	12(4)	14	Satisfy	Sibela Band ft Vanessa Patel
16	16(4)	15	Why yubunim ni go	B Rad
13(3)	14	16	Rockville Control	Rockville
17	17	17	Fenna Nalokos	Twarcu's Gravity / Jason Stone
19	18	18	Angie Girl	Logie Crew ft Isaac Yama
0	19	19	Love	Kimo Maw ft Channel X Crew
0	19	20	Nidomai	Taina G
Song			In Out	Nil Nil

[illegible]



PUL: Wanpela man i pul long kanu i go long wanpela haus long Wunghnu long Noten Victoria long Australia long Mas 4. Bikpela tait wara i pasim rot bilong kar na arapela samting.



PAINIM: Wanpela man i holim poto frem bilong Pete Rose, we em i painim bihain long bikpela win i brukim haus bilong em na i bagarapim planti ples i stap klostu, long Henryville, Indiana long Amerika long Mas 4.



SEKIM: Ol polisman bilong Irak i lukluk long ples long Haditha siti we sampela ol polisman i bin dai long en. Ol i bilip ol wokman bilong Al Qaeda i bin bilas olsem ol ami soldia na i ron long bik moning tru na sutim ol we 27 polisman i dai.



HOLIM EM: Ol polis long Moscow, i holim pasim wanpela protesta long Mas 5. Planti ol manmeri bin bung long protes agensim win bilong Vladimir Putin long ileksen.



LUSIM BRIS: Bikpela sip bilong ol turis, Queen Mary 2, i lusim bris long Fremantle, Westen Australia long Febuari 28.

Raun wantaim Kanage olgeta wik



NEM: Kisip Kembo
KRISMAS: 19 (man)
ADRES: ST. John De Baptist Primary School, P.O. Box 220, Kerema Gulf Provins
SAVE LAIKIM: Pilai spots, watsim muvi, go Lotu, ridim buk na mekim pani

NEM: Isaiah Bonga
KRISMAS: 28 (man)
ADRES: P. O. Box 407, Popondetta, Oro Provins
SAVE LAIKIM: Pilai Voli bol, Tas ragbi, pilai gita, lukluk TV(NRL), raitim pas, mekim na go Lotu

NEM: Rian Monghongho Alphonse
KRISMAS: 18 (man)
ADRES: Aniep Village, C/- ST. Mary's, P.O. Box 125, Leitre, Vanimo, Sandaun Provins
SAVE LAIKIM: Harim musik, pilai soka, voli-bol, basketbol, go Lotu na mekim pren

NEM: Annestine Funumari
KRISMAS: 18 (meri)
ADRES: Notre Dame Secondary School, P.O. Box 164, MT Hagen, WHP
SAVE LAIKIM: Ridim Baibel, singsing, harim musik, pilai basketbol, netbol, mitim ol poro-man na lukluk TV.

NEM: Koron Amun
KRISMAS: 25 (man)
ADRES: P.O. Box 3079, Lae, Morobe Provins
SAVE LAIKIM: Harim musik, pilai Kompyuta, ridim buk na mekim pren

NEM: Kaiya Yoan
KRISMAS: (man)
ADRES: C/- Bema Primary School, P.O.Box 37, Kerema Gulf Provins
SAVE LAIKIM: Pilai soka, mekim Jokes na pilai volibol wantaim ol poroman

NEM: Ruben Yawa
KRISMAS: 18 (man)
ADRES: Muli Primary School, P.O. Box 69, Mendi, SHP
SAVE LAIKIM: Harim musik, pilai soka, bas-ketbol, volibol, ragbi tas na mekim pren wan-taim wanpela Lotu man o meri

NEM: Stanson Petiti
KRISMAS: 20 (man)
ADRES: C/- BSC ANZ Bank (PNG) Ltd, P. O. Box 1152, Port Moresby NCD Papua Niugini
SAVE LAIKIM: Pilai Gita, ridim Baible, mekim fani na stori wantaim ol poroman

NEM: Joel Kenis Amaekam
KRISMAS: 29 (man)
ADRES: Huon Gulf, Lae 411, P.O. Box 164 Lae ,Morobe Provins
SAVE LAIKIM: Mekim fani, eksasais, pilai lilik, pilai ukulele, gita, singsing, skerim tok wantaim narapela liklik, ritim baibel, komik, harim Radio Lait na Katolik FM, na painim wan-pela meri long maritim na stap oltaim.

NEM: Anne Mary Yuwei
KRISMAS: 21(meri)
ADRES: Pes Primary School, P.O. Box 36, Aitape, Sandaun Provins
SAVE LAIKIM: Pilai soka, Volibol, mekim pani, go Lotu, harim musik na watsim TV.

Dei bilong tingim ol soldia long wo.
I no tulait gut yet na Kanage i stat long krai. Em i tingim ol tum-buna bilong em ol Siapan (Japan) i kilim em.

Taim meri bilong em i harim Kan-age i krai meri i askim Kanage lewa long wanem samting stret na em i wok long krai.
Em askim em olsem, "Yu hanger o yu tingim ol yangpela taim bilong yumi bung long as bilong mango na pasim tok long marit.
Dispela i mekim Kanage i mekim Kanage i singaut nogut tru na krai, "O papa bilong mi, husat i kilim yu ol Siapan o yumi Niugini Papua yet. Netpi kaikai Netpi na kanaka kaikai kanaka"
Taim meri i harim olsem em i lap i dai nogut tru na apsait ai bilong em i kam aut.

Jamex Angoram, Is Sipik.



Maunten paia
Maunten paia long Manam na wesani pundaun long olgeta hap. Planti tru i pundaun long gras kantri long Angoram distrik.
Olgeta sak sak kanu i pulap long wesani. Monin tru ol meri long ples ol i bung na stori long wanem samting i kamap.
Taim Kanage i harim olsem em i tokim meri bilong em. Em nau ples nogut bilong ol sin man i paia pinis long hel. Nau yumi lukim das bilong ol bun bilong ol i kam long yumi.
Dai man i pundaun kam daun na wasim yumi.
Bai yumi i no inap dai moa na tu bai nogat las de moa. Bai yumi stap long ples long de taim tasol na

wetim ol man i dai tasol na wetim ol man i dai bipo bai tromoi tin pis na rais kamdaun long yumi olsem dis-pela wesani i pundaun nau ya.
Taim ol meri harim ol kon stori bi-long em, ol i kalap kalap na paitim han na ol i singaut, "Hepi gut de Kanage. Wis yu ol the bes. Lip fo eva mo. Hel i pinis na heven i kamap."

Carl Lenua Samban base

Ol skwat!
Salim ol gutpela Kanage tok pilai i kam long:
Kanage Tok Pilai
P.O. Box 1982,
Boroko, NCD
Port Moresby.
Email: atolire@wantok.com.pg

Mi gat wari na mi laikim helpim

Dia Laipain
Mi wanpela marit meri i gat 50 kris-mas bilong narapela kantri. Mi bin maritim wanpela man PNG, tasol marit bilong mitupela i bin bruk 10-pela yia i go pinis.
Mi stap wantaim tingting olsem mitupela man bilong mi bai tok sori, stretim ol samting na stap wantaim gen. Mi bilip olsem God i bin plenim laip bilong yumi taim em i wokim yumi. Na em yet i lukautim mi long dispela 10-pela yia marit i bruk inap nau.
Tasol hop long mipela i sekan na kamapim wanbel i wok long lus wantaim taim i ron na mi hop olsem bai mi painim wanpela nupela man long poroman wantaim. Dispela em bikos man bilong mi nau i marit na em i gat wanpela pikinini i gat 8-pela kris-mas. Na mi ting olsem em i no laikim mi moa.
Mi no pilim gut long marit i bruk we i lusim mi wan yet i stap long wanem, plen bilong mi em bilong painim man mi laikim na marit stap wantaim. Na i no bilong mi stap singel mi yet. Nau yet, mi no save God i gat wanem kain plen long mi na olsem, mi stap wantaim wari.
Laipain, plis helpim mi.

Worried Deserted Wife

Dia Pren
I GUTPELA long kisim pas long wanpela meri bilong narapela kantri na askim long helpim bilong Laipain. Long pas bilong yu, yu bin tok olsem yu wanpela meri i stap wantaim wari na yu gat 50 kris-mas na yu maritim wanpela man PNG.
Tasol, marit bilong yu i bruk 10-pela yia i go pinis na i luk olsem i nogat wei long yupela i toktok na stretim ol samting na yupela i ken stap wantaim gen. Nau yu laik painim wanpela nupela man long marit na stap wantaim bikos man bilong yu i marit na em i gat pikinini pinis. Yu ting olsem man bilong yu i no laikim yu moa na yu sori long yuu wan i stap na tu, yu no save wanem plen God i gat long yu.
Fren, ekspiriens yu wok long go long en em i bikpela long wari na moa yet, bikos yu bilong narapela kantri. Olsem na dispela kain hevi na wari i ken givim skul long planti narapela PNG na tu, ol ovasis lain husat i marit long narapela kantri o i tingting long wokim dispela.
Mipela i strongim yu na ol narapela



olsem lukluk gut long wanem ol nara-pela lain i mekim wantaim laip bilong ol arapela i no wokim wanpela rong.
Mipela i bilip olsem yu bilon nara-pela kantri, tasol yu no tokim mipela liklik moa long yu yet, sapos yu gat pikinini na hamas, yu wok o nogat, sapos yu naturalais sitisen bilong PNG o nogat. Tasol mipela i luksave long wari, pen na hevi yu wok long bungim glasim wantaim 10-pela kris-mas i longpela taim tumas bihain long marit bilong yu i bruk.
Pren, mipela i luksave long wei yu inap long menesim laip bilong yu, maski marit i bruk wantaim man yu gat bikpela laik long en. Mipela i lukim olsem maski man bilong yu i lusim yu na nau i stap wantaim nara-pela meri, yu no bin belhat na wokim samting tasol yu wok long weit olsem em bai kam bek long yu.
Long wei mipela i glasim ol samting, dispela man we yu bin laikim tumas na lusim kantri bilong yu long maritim i feilim yu tasol yu nogat. Tasol sapos sampela samting yu wokim na em i lusim yu long maritim narapela meri, mipela i enkarijim yu long glasim ol samting we yu inap long mekim na kontribiut long marit bruk.
Mipela i laikim yu long stap gut, bilip olsem sampela gutpela samting bai kamap bikos long Pasin bilong yu long stap isi na weit stap long wan-pela de, yutupela i ken painim bel isi pasin.
Sapos yu bilip long Bikman olsem yu tok long pas bilong yu, em gat ol gutpela plen long ol pikinini bilong em. Na long dispela i min olsem yu tu. Yu tok tu olsem Bikman i lukautim yu gut long dispela 10-pela yia taim yutupela man bilong yu i no stap wantaim na em i ken skruim dispela long narapela 10-pela moa yia i kam o moa. Pren, skruim bilip na tras bi-long yu long Bikpela long olgeta samting yu mekim. Ritim Romans 8:28.
Taim yu mekim olsem, traim na staim toktok gut wantaim man bilong

yu na namba tu meri bilong em. Sapos yu no wok long toktok wantaim em i kam inap nau, i moabeta yu tok-tok long em nau na askim em watpo em bin mekim olsem na plen bilong em long bihain taim.
Mipela i bilip olsem gutpela toktok namel long yupela bai kamapim gut-pela luksave bikos yu hop na weit long kamapim belgut na i no traim long mekim samting long peim bek bikhet pasin man i wokim.
Mipela i luksave olsem taim man i stat long lukim narapela meri na meri i wokim wankain long bekim, marit i save bagarap olgeta. Sapos ol i gat pikinini, ol i save bungim hevi long bikhet bilong papamama i no tingim ol na bihainim laik bilong ol yet. I moabeta long yu noken wokim dis-pela na bagarapim nem bilong yu.
Pren, mipela i luksave olsem yu no laik long yu wan yet i stapna yu laik painim wanpela man we bai yu lavim na maritim. Tasol bipo yu wokim dis-pela, i moabeta yu stretim hevi wantaim man bilong yu. Dispela em i bikpela samting long wanem bai gut-pela luksave na wanbel i kamap bipo yupela i bruk gut na bihainim laik bi-long wan wan.
Taim yu painimaut stret olsem man bilong yu i wokim fainol disisen long maritim narapela meri, orait, yu ken klia gut na go het wokim disisen long rot yu laik go long em long laip.
I moabeta yu tupela wantaim i askim sios pasta na ol lida long givim gutpela stiatok long helpim yupela.
Tasol tingim long ritim Tok bilong Bikpela long 1 Korin 7:39-40 we i tok "marit "meri i no fri taim man bilong em i stap laip yet tasol taim man i dai, em i fri long marit long husat man em i laikim. Tasol em i mas wanpela Kris-ten. Tasol em bai stap amamas taim em i stap olsem. Em tingting bilong mi na mi ting olsem mi gat Spirit bi-long Bikpela long mi." Tu, ritim Matyu 5:31 na 32. Pre long God na em i ken soim plen bilong em long yu.

Laipain

Sapos yu gat wari, rait i kam long Lifeline, P O Box 6047, Boroko, NCD. Telipon:3260011. Raitim trupela nem na etres bilong yu na bai mipela i ken salim bekim long pas bilong yu. Bai mipela i no inap putim trupela nem bilong yu long stori.
Laipain

Pasin Sanguma kamap bikpela long Sialum

BIKPELA pasin sanguma i wok long kamap long Sialum LLG insait long Tewae-Siassi ilektoret bilong Morobe Provins.

Na ol asples manmeri long hap i nau singaut strong long Morobe Gavana, Luther Wenge, Memba bilong Tewae-Siassi, Vincent Michael, Tewae-Siassi Distrikt Edministreta, Rinkeo Masere, Sialum

LLG Menesa, Moses Lingnonge, na Sialum LLG Presiden, Saket Manasing long stretim dispela hevi long ples na larim pipel i gat gutpela sindaun.

Long yia 2006 i kam inap 2012, ol man long hap i bin mekim ol ples tambaran ol i kolim 'hausman' long kamapim pasin sanguma ol i kolim 'bulet pruf.'

Ileksen 2007 i bin bagarap long dis-

pela hap na nau tu ol pipel long hap i wari nogut tru bikos ol i skelim olsem dispela pasin sanguma i wok long daunim loa na oda long Soniko, Kumuko, Yamino, Rebafu, Ririwo, Zankoa, Kip, Wetna, Kankeu, Kanome, Kukuya, Ago na Rikoko insait long Sialum.

Wanpela komyuniti lida (em pret long givim nem) long hap i tok ol dispela ples i gat ol gan na i kirapim moa hausman bilong ol yet

long kamapim pasin sanguma long kilim man na bagarapim laip bilong komyuniti.

"Dispela pasin sanguma i kamap long hap na pipel i skelim olsem nogat loa na oda i stap long ples. Ol man i wok long repim ol meri na mama. Ol i wok long stilim ol gaden kaikai na ol animol olsem kakaruk, pik, na ol arapeala samting.

"Ol polisman long hap i pret pinis

long wok polis long hap na ol i lusim Sialum pinis. Ol pipel i pret pinis na ol i nau singaut strong long O'Neill-Namah gavman long lukluk i go insait long dispela bikpela pasin nogut, we dispela i kamapim birua long ol meri na pikinini na olgeta manmeri long komyuniti.

"Polis na ol arapela gavman ejensi i no stap long Sialum na ol pipel i wok long pait agensim ol yet stap long hap," em i tok.

Baruni rot bai op

ROT bilong kar long Mosbi Siti i save pas olgeta moning na olgeta apinun bikos namba bilong kar na manmeri i go antap na sais bilong rot i go liklik.

Dispela save mekim ol kar long ron isi isi stret na em i save westim taim bilong ol wok manmeri, bisnis manmeri na ol arapela manmeri tu.

Long stretim dispela hevi, NCD Gavana, Powes Parkop, i tok em bai lukluk long opim Baruni rot na mekim tu sampela moa nupela rot long NCD long daunim dispela hevi long siti.

"Mi tokim pinis ol enjinia bilong NCDC long stat mekim wok bilong opim Baruni rot long larim kar ron go kam long Daun Taun na Gerehu. Wanpela nupela rot tu bai stap long Yuniu-vesiti (UPNG) na kamaut long Ensisi Veli na joinim Tokara rot go long Hohola o Waigani.

"Ol enjinia i nau wok stap long dispela rot. Gerehu-Morata rot tu mipela i tingting long mekim i go bikpela na ol manmeri bai gat sans long sevim taim na yusim ol dispela rot long mekim wok," Parkop i tokim FM 100 Redio Tokbek Sho.



PLANTI TUMAS...Sapos Gerehu-Baruni-Taun rot, Gerehu-Morata rot na nupela rot long yunivesiti (UPNG) -Ensisi -Tokara i op, em bai orait long ol kar long skelim rot na ron gut. Poto soim kar i kam long Gerehu i lain ap long yunivesiti rot bikos rot i go liklik. **Poto: Nicky Bernard**

Polis mas painim as bilong hevis

Bustin Anzu i raitim

MOROBÉ Provinsel Gavman i laik bai polis i painim aut husat tru i bagarapim propeti bilong wanpela skul insait long Lae siti, Morobe provins.

Ekting Provinsel Administreta, Patalias Gamato, i tok husat i wokim trabel em polis i mas holim pasim ol na kisim i go long kot long bagarapim samting bilong skul.

"Mi laik polis i mas mekim wok painim aut na sasim dispela man husait i bin wokim dispela trabel long kukim haus na sasim em. Kain bilding olsem i save kisim yia long kamapim na dispela pasin i no gutpela tumas," Gamato i bin mekim dispela tok tok long Redio Morobe long dispela wik.

Ekting Administreta i tok em i no amamas long wanem, pasin em ol lain long Sipaia na Busu Kom-

paun i bin wokim na bihain ol i kukim dispela haus slip bilong ol mangi long Malahang Teknikol Hai Skul insait long Lae siti.

Em i tok em i no gutpela long ol lain insait long blok, ples o setelmen i bung long kain namba olsem na bagarapim ol samting insait long siti. Ol i nogat pasin bilong rispek long wanem, kain bilding olsem em i traipela mani long kamapim.

Em i tok dispela kain bung

na wokim samting i no soim olsem pasin bilong wanpela sosaiti we i stret long stap tasol dispela i soim wanpela kain komyuniti we ino soim tru pasim bilong wanpela sosaiti we i gutpela long stap.

Em i mekim ol dispela tok tok long Redio Morobe bihain long tupela man i dai, na wanpela haus slip bilong ol sumatin long Malahang Teknikol Hai Skul i paia long las wik Fraide.

Dispela hevi i bin kamap

bihain long dai bilong wanpela brata bilong wanpela sumatin long dispela skul. Na ol lain bilong dispela man i belhat na go kilim narapela sumatin, husat i no save long wanpela samting na laik was was long Wara Busu. Ol igo na kilim em i dai.

Na tu, ol i go long skul, pretim ol tisa na sumatin na rausim ol mangi long haus slip na kukim dispela haus slip.

Sampela sumatin wan-taim ol asples i stap long banis bilong polis long dai bilong dispela tupela man. Na polis tu i mekim bikpela wok painim aut long bagarap bilong dispela haus slip.

Gamato i laik bai polis i mas painim aut long husat tru i bin kukim dispela haus slip na kisim ol i go long kot.

Ol sumatin i no go long klas long stat long dispela wik kam.

PNG LNG Projek kamapim patnasip

Aja Alex Potabe i raitim

PNG LNG Projek i kamapim patnasip wantaim ol lokol komyuniti, gavman, papa-graun kampani, nan-gavman ogenesesen na ol arapela stekholda long karim benefit o gutpela samting i kam long Papua Niugini.

Namba foa kwatali En-vaironmen na Sosol Ripot 2011 bilong LNG projek i soim planti bilong ol dispela longpela taim patnasip bilong lukluk i go insait long helt, edukesen, strongim meri, pablik polisi na strongim ol liklik bisnis.

PNG LNG Projek Eksekutiv, Decie Autin i tok, PNG LNG Projek i luksave olsem strongpela na sastenebel patnasip em i namba wan samting long komyuniti.

“Taim komyuniti lidasip na wokbung i kamap, save na ples bilong kisim save bilong liklik manmeri bai kamap, em bai isi long lukautim o bi-hainim laik bilong komyuniti, na dispela i ken larim projek i kamap gut,” Autin i tok.

PNG LNG Projek i no long taim tasol i bin kamapim patnasip long wokbung wantaim Delta Green Field Marketing Limited, wanpela meri grup long Kikori, long salim ol kaikai long ol Projek konstraksen kem. Dispela grup tu statim pinis ol neseri bilong kaikai na saplaim ol sid long planti moa long 500 meri long 6-pela ples.

“Agrikalsa em i bikipela bikipela samting long laip bilong planti liklik manmeri long ples na LNG Projek i

wokbung wantaim ol komyuniti long groim gutpela kaikai na mekim kaikai neseri,” Autin i tok.

PNG LNG Projek i luksave tu olsem edukesen em i namba wan samting long ikonmik divelopmen na em i save kamapim moa wok mani. Aninit long dispela kwata, LNG Projek i nau wokbung wantaim Nesenel Risets Institut long painiaut ol nid bilong ol tisa long ol projek eria.

“Dispela painimaut laik sekim trening bilong ol tisa, olsem skul na save ol i gat, na tu ol arapela eria long skul, we ol tisa ol yet i save kisim taim long klasrum,” Autin i tok.

PNG LNG Projek i wok long kamapim patnasip wantaim ol papagraun kampani na ol arapela liklik bisnis bilong long ol lokol pipel. LNG Projek i bin yusim mani mak olsem K490 milian (229 milian US Dola) wantaim ol papagraunkampani long 2011 bilong ol projek sevis.

Wantaim kamap bilong patnasip na wokbung wantaim ol lokol komyuniti, gavman, non-gavman ogenesesen, papagraun kampani na ol arapela stekholda, PNG LNG Projek i stap long kamapim ol longpela taim gol bilong larim kantri i kisim sastenebel ikonmik na sosol benefit.

Namba foa kwatali En-vaironmen na Sosol Ripot 2011 bilong LNG projek em i namba 8 taim PNG LNG Projek i salim i go aut na em i stap tu long projek websait pnglng.com.



LNG PLENT...Poto i siom ol wokman na masin i mekim LNG Plent long mekim rifaineri bilong tanim ges i go long wara na salim i go long Saina, Japan na Taiwan. **Poto: Esso Highlands Ltd**

Nambawan Super stretim pinis Pablik Employis Asosiesen Fan

NAMBAWAN Supa i tokaut olsem em i klinim gut na stretim pinis Pablik Employis Asosiesen Suparanuesen Fan (PEASF) aninit long lukluk bilong en olsem nupela trasti na em i nau stap long gutpela mak long stretim ol mani bilong manmeri husat i nap long kisim mani aninit long dispela fan.

Ol i bin kamapim PEASF long yia 1989 tasol em i bin

bungim sampela hevi long yai 2000. Olsem na Beng bilong Papua Niugini (BPNG) o Sentral Beng, husat i bosim em, i bin putim PEASF aninit long Stetutori Menesmen long Jun 2006. Bihain long en, long Mei 2010, BPNG i bin makim Nambawan Supa long kamap Trasti o lukautim dispela fan.

Nambawan Supa i bin

stretim ol bagarap samting bilong PEASF insait long 18-pela mun. Em i bin stretim ol samting olsem nem bilong ol manmeri inap long kisim mani aninit long dispela fan, na nau em i redi long peim ol winmani o intres long ol memba bilong dispela fan.

Eking Menesing Dairekta bilong Nambawan Supa, Paul Yangen, i makim maus bilong Trasti, na tokaut long

70 pesen winmani o intres bilong olgeta PEASF memba.

“Dispela winmani o intres em i makim gutpela wok Nambawan Supa i bin mekim long stretim na lukautim mani bilong dispela fan, na mipela i ting ting long larim ol memba i bilip strong long Nambawan Supa long lukautim dispela mani na tu mekim moa mani gen”, Mr

Yangen i tok.

Yangen i tok tenkyu long olgeta PEASF memba long bel isi na gutpela ting ting bilong ol taim Nambawan Supa i bin stretim ol bagarap samting. Em i salim tu tok amamas bilong Trasti i go long BPNG long halivim bilong ol.

Yangen i tok; “Ol rekot i nau stap redi long larim mipela i givimaut ol winmani

o intares i go long ol memba. Tasol ol memba i mas lukim Kwestenea na Askim Plantit Taim (*Questionnaires and Frequently Asked Questions*) long sekim akaun bilong ol memba na hamas ol wanwan bai kisim.”

Olgeta memba bilong PEASF i mas kolim o sekim Nambawan Supa opis stap klostu long yupela long kisim moa toktok.

Steamships laik rausim sik TB

STEAMSHIPS Trading Company (STC) i lonsim TB Wokples Polisi Plen long stopim sik TB long wokples.

STC em i wanpela namba wan kampani long PNG long kamapim dispela kain gutpela polisi long pait agensim sik TB long kantri na tu halivim ol manmeri husat i gat dispela sik long stap gut na kisim ol marasin long stap longpela taim.

Olgeta liklik haus bisnis bilong STC bai karimaut o bihainim dispela polisi plen bihain long STC i bin sainim agrimen wantaim Helt Dipatmen na World Vision las yia.

Sif Opereting Opisa bilong STC kampani grup, Tom Owen i tok, ol i gat 3-pela as long kamapim dispela polisi.

Em i tok ol i laik lukautim wok manmeri bilong kampani, skulim wok manmeri long dispela sik, na mekim gutpela pasin long halivim gut long ol wok manmeri husat i gat TB.

“Dispela polisi em long halivim PNG gavman rausim sik TB. Planti manmeri i save wok wantaim mipela, na mi bilip, bai mipela halivim planti moa manmeri long kantri,” Owen i tok.



RAUSIM TB...Ol wokman bilong Steamships i redi long pait agensim sik TB long wokples. **Poto: Steamships Trading Company**



Bilum bilong lalibu na Pangia stailim Mosbi siti

Nicky Bernard i raitim

BILUM save soim kala bi-long Papua Niugini long sampela ovasis kantri.

Dispela 4-pela meri bi-long lalibu na Pangia long Westen Hailans i save wok bung wantaim long mekim bilum bilong ol, na salim wantaim long kraf maket long Boroko.

Ol bilum ol mekim i save kam long kainkain stail bi-long ol. Sampela stail ol save mekim olsem bek bi-long ol meri ol save salim long stoa.

Dispela ol stail bilum bi-long ol meri ol salim i long K150 na K200. Ol nara-pela stail ol i salim long K100 tasol.

Rosemary Kuleko, Julie David, Elis Kelea na Anna Ore i save stap long Mosbi, na wok bilong ol em long wokim bilum tasol na salim. Sampela taim ol save kisim oda, kam long sampela kampani long mekim bilum long givim sampela lain olsem presen.

Ol dispela meri nau i wok long painim nem bi-long liklik grup bilong ol we ol kampani laikim ol mekim bilum o raitim nem bilong ol long bilum bai ken isi long painim grup bilong ol.

Sapos yu laikim ol raitim nem bilong yu long bilum na kala bilong yu, yu go long kraf maket long Boroko Tabari ples na painim ol dispela 4-pela long kona bilong ol.



PNG KALA. Papua Niugini kala em stail long olgeta hap insait long kantri. Ol dispela bilum save pulim ai bilong plant manmeri na ol ovasis lain.

Ovasis sof dring pulap long PNG

KOKA kola na sprait dring bilong ovasis i pulap nau long Papua Niugini. Dispela ol sof dring planti manmeri i mekim bisnis bilong ol long em.

Dispela ol dring tu em prais bilong ol i daunblo, na inap long ol liklik bisnis manmeri long baim na salim long gen ol liklik bisnis bilong ol.

Planti long ol bikipela stoa tu insait long kantri i

wok long baim dispela ol dring, long wanem prais bilong wanpela tin dring em K2 tasol. Na planti ol liklik manmeri i gat nap mani long baim.

Long wik i kam Liklik Bisnis bai kisim piksa bi-long dispela ol dring na stori bilong ol manmeri husat save salim dispela ol ovasis dring longol liklik maket na tu raun long rot na salim.



Toksave i go aut long Namba 31 PNA Opisals Miting na Namba 7 PNA Ministerial Miting, Makim Namba 30 Anivesari bilong ol Pati i sainim Nauru Agrimen (PNA), na Selebretim Namba 1 Wol Tuna De We bai kamap long Alotau, Milen Be Provins

Het Tok: "Strong long Pasin Wokbung Wantaim"

Konfrens Ples: Edukesen Milen Be Konprens Senta (Epril 23 – Me 02 2012)

Ko-fanding i kam long Nesenel Piseris Atoriti na Opis long ol Pati i sainim Nauru Agrimen, na i wokbung wantaim Ministri bilong Piseris na Marin Risoses na Nesenel Piseris Bod.

Tok Orait i kam long:

Sylvester B. Pokajam

**Siaman bilong PNA na Menesing Dairekta,
Nesenel Piseris Atoriti**



GLASIM RAMU NICO PROJEK

Wanpela Ramu Nico, Wanpela Komuniti



Ramu NiCo welkam long ol gutpela tingting bilong envairomen

RAMU NiCo, developa o kampani we i go pas long wokim kamap bikipela bilien Kina nikel/kobalt projek insait long Madang provins i welkam tasol long ol gutpela tingting na aidia i kam long ol stekholdas long sait bilong lukautim gut na banisim birua long kamap long bus, graun, wara na solwara bilong yumi.

Sif Teknikol Dairekta bilong Ramu NiCo, Dokta James Wang i tokaut long dispela long las wik Trinde insait long 2012 Nambawan Kwatali Rivi Miting bilong Ramu Projek we i kamap long Madang.

Dokta James i tok long nau yet Ramu NiCo i redi long lod komisining, olsem na em i tok dispela kwatali miting wantaim ol stekholdas em bikipela samting tru.

Kwatali Rivi Miting we em wanpela samting ol developa olsem Ramu NiCo i mas mekim long tokaut na soim ol ripot bilong en long ol stekholda bilong en em Mineral Risos Atoriti (MRA) i ogenaism.

Dispela kwatali rivi miting long las wik i ron wanpela wik olgeta na i lukim ol wan wan dipatmen bilong Ramu NiCo i givim ripot bilong ol i go long ol stekholda. Long Trinde, Dokta James Wang i givim ripot bilong en we i toktok long sait bilong envairomen o ripot bilong bus, graun, wara na solwara.

Ol lain stekholdas husat i bin stap long harim Dokta James i givim ripot bilong em em ol lain lenona asosesen siaman na ol eksekutiv, ol lain lenona kampani na tu ol lain husat i makim ol nesenel gavman dipatmen na provinsal gavman.

Ol lain LOA husat i makim 4-pela projek impekt eria bilong Ramu Nikel Projek em Kurumbukari LOA (KBK), Maigari LOA, Wass-Matau (Kostal Paipain) na Basamuk LOA.

Wanpela sinia teknikol ofisa bilong Dipatmen ov Envairomen na Konsevesen, Goro Arigae i bin stap olsem siaman bilong

miting long Trinde we i toktok long sait bilong envairomen o bus, graun, wara na solwara.

Mista Arigae, i statim toktok i go long ol stekholdas i salim tok amamas bilong Seketeri bilong Envairomen na Konsevesen, Dokta Wari lamo, we em i toktok win long Suprim Kot we i stap long sait bilong Stet, DEC na developa, Ramu NiCo.

Em i tok klia tu long wanem posisen bilong Ramu NiCo long sait bilong kondisinal pemit o tok-orait long mekim wok we DEC i givim tok-orait long en.

Dokta James Wang i givim planti ol gutpela toktok long sait long envairomen we i karamapim Operesen Envairomental Monitoring Program (OEMP) olsem progresiv ri-habilitesen, wara kwaliti sampling, sediment simpling, menesmen bilong ol pipia we i kamaut long main eria, na wok painimaut long ol pis na ol narapela enimol insait long wara na tu lukluk long ol bus na ol narapela samting arere long wara insait long wanpela stadi we i bin kamap long yia 2011.

Dokta James Wang i tokaut klia tu olsem monitoring program bilong 2012 i karamapim kwaliti bilong win, das na nois, Dip Si Teilings Plesmen (DSTP), menesmen bilong ol pipia i go aut long main, akuatik fauna sevei o wok-painimaut i go insait long ol bus na ol samting olsem flaua na diwai bilong bus na ol samting i stap insait long en na tu 20-pela sab-pen bilong kondisen bilong givim tok-orait long OEMP.

Em i tok klia tu long sampel samting i go long ol stekholda long akuatik baiolajikal sevei we wanpela kampani bilong Australia nem bilong en Hydrobiological i kamap insait long 8-pela eria long apa-eria bilong Ramu Riva. Bikipela sa tingting bilong dispela sevei em long kisim ol fis na ol narapela samting insait long Ramu Riva

olsem ol kindam na ol narapela samting na lukluk moa long ol namba bilong ol na tu mekim tes long ol wanem samting ol i kaikai na sapos i gat ain na metal i stap insait long bodi bilong ol.

Wanpela gutpela toktok o stori we i opim ai bilong planti ol lain stekholda em olsem ol fis we ol i bringim long autsait o ovasis i kam long Ramu Riva system i lukim namba bilong ol i go antap. Ol dispela fis i wok long bagarapim namba bilong ol fis we i save stap pastaim na tu ol bus na samting we i stap bipo.

Dokta James i toktok tu long sait bilong sedimentesen stadi we Helt, Sefti na Envairomen (HSE) Dipatmen bilong Ramu NiCo i bin kamap long mun Disemba long las yia long 4-pela eria long Basamuk long Raikos distrik long Madang provins.

Ol lain stekholda i bin givim ol bekim bilong ol long wanem samting ol i lukim i kamap long bus, graun na wara long ol Projek Impekt eria long KBK, Maigari eria, Kostal Paipain na Basamuk eria.

Presiden bilong Bundi Lokal Level Gavman kaunsil, John Yama i tok olsem moa konsaltesen o toktok i go kam i mas kamap namel long developa Ramu NiCo wantaim ol lain stekholda oltaim.

Presiden bilong Saidor LLG, i askim tu olsem long bihain taim developa olsem Ramu NiCo i mas oltaim tanim ol teknikol infomesen long sait bilong envairomen o wok bilong lukautim bus, graun, wara na solwara i go long Tok Pisin, bikos ol liklik lain manmeri long ples i mas save long ol dispela infomesen long gutpela bilong ol lain developmen.

Dokta James Wang i tok olsem wanem ol toktok ol stekholda i mekim em Ramu NiCo bai i lukluk moa i go insait long en na wokim kamap gut long gutpela bilong projek, sindaun bilong ol komyuniti, Madang provins na PNG.



Dokta James Wang i givim toktok long 2012 Nambawan Kwatali Rivi Miting



Martin Paining i mekim toktok long ol wok Ramu NiCo i kamapim.



Kwatali Rivi Miting long Madang i go het

salens bilong graun na masin bilong mekim wok.

Ol dispela namba i soim klia mak bilong wok mipela i pinisim:

- Moa long 4.5 milian kubik mita bilong graun wok i pinis
- Klostu 195,000 kubik mita simen i silip pinis
- Klostu 48,000 tan stil biding i sanap, hap long ol em ol nupela
- Moa long 2,000 yunit masin i sanap redi
- Moa long 227 kilomita bilong baret na proses paip i silip (antap long 135 kilomita slari paipain)

'Wanpela Ramu NiCo, Wanpela Komyuniti'



Ramu NiCo redi long givim

Insait long moa long tupela yia, Ramu NiCo i sanapim pinis malti bilian Kina Ramu Nikel Projek, na nau mipela i redi long komisining.

Bihain long mipela i kisim olgeta tok orait na stretim ol teknikal wok redi, Ramu NiCo i go het wantaim bikipela wok konstraksen long namba tu hap bilong 2008. I kam inap nau, olgeta bikipela konstraksen wok long Krumbukari main sait na Basamuk rifaineri i pinis, na projek i stap redi long kisim komisin o tok orait long mekim wok. Long wol tu, dispela kain hariap sanapim em i no kamap bipo long wanpela kain bikipela projek olsem, na i daunim olgeta

Han rot em namba wan sevis

Aja Alex Potabe i raitim

OL LIKLIK han rot insait long kantri i mas op long larim ol liklik bisnis manmeri i mekim bisnis na joinim ples wantaim ol taun na siti.

Sapos ol liklik han rot long olgeta hap bilong kantri i op na stap long gutpela mak, kantri bai senis

bikos rot tasol i save karim ol arapela sevis tu i go insait long ol bus ples.

Minista bilong Works na Transport, Francis Awesa i tok, O'Neill-Namah gavman i nau redi long lukluk i go insait long ol liklik rot bilong kantri na stretim ol dispela rot long larim gutpela sevis i kamap long hap.

"Bai mipela mekim ol wok mentenens long stretim ol

rot i stap pinis long en. Em i wanpela salens tu, tasol mipela i tingting long opim nupela rot long ol bus ples na larim ol manmeri i kisim ol arapela sevis tu long rot," Awesa i tok.

Em i mekim dispela tok-tok taim Woks Dipatmen i lonsim Koporet Stratejik Plen bilong en las wik Fonde long Dynasty Sea Food Restaurant long Vi-

sion City, Mosbi.

"Wantaim gavman sapot, mipela i amamas long stretim ol rot stap pinis long en. Sapos gavman i no stretim ol dispela rot, iekonomik groa bilong kantri bai ron isi stret.

"Rot em i wanpela namba wan samting we, em i save kirapim ples. O'Neill-Namah gavman i luksave long dispela na mipela laik

nau wokbung wantaim ol komyuniti na provinsel atoriti long lukluk i go insait long dispela sevis," Awesa i tok.

Awesa i tok ol bai mekim nupela rot o stretim gen olpela rot long joinim ol namba wan ples long sait bilong mekim bisnis o raun na amamas, we dispela bai karim gutpela sevis i go long komyuniti.

Gutpela rot stap, na ol pipel tu bai amamas long mekim ol liklik o bikipela bisnis, na mekim mani.

"Olsem na mipela bai mekim nupela rot tu long larim ol sampela bus manmeri i kisim sevis. Bai mipela larim ol manmeri i yusim rot long kamapim moa bisnis long ples bilong ol yet. Dispela i ken kirapim kantri," Awesa i tok.

Digicel na Ginigoada senisim Joyce Bay

DIGICEL PNG Foundation i bin wokbung wantaim Ginigoada na larim 120 manmeri kisim save long 'Besik Bisnis Skils Trening' long Joyce Bay, Sabama long Mosbi las wik.

Lieisen Opisa bilong Yumi Lukautim Mosbi, Lawrence Martin i tok, tenkyu long Digicel Foundation taim ol dispela manmeri i greduet na kisim ol setifiket pepa bilong ol.

Em i tok dispela progrem i wok long halivim ol manmeri bikos 70 pesen bilong 800

manmeri husat i bin kisim save long dispela liklik bisnis trening i bin go long mekim wok trening long ol kampani na ogenesesen, na ol i stap olgeta long hap long wok full-taim.

Martin i tokim ol manmeri husat i greduet: "Yupela i bin stap long kros rot na Digicel Foundation na Ginigoada i bin soim nupela rot. Disissen i stap long yupela yet, sapos yupela planim wanpela sit na lus tingting, em bai no nap groa. Tasol, wantaim dispela liklik bisnis save yupela i

kisim long tupela wik trening, karim dispela i go na planim olsem sit, lukautim gut na em bai groa."

Martin i givim strongpela toktok long komyuniti bilong en long lukluk go het na yusim ol dispela setifiket gut, tasol noken larim ol setifiket i stap nating long kapot na das i karamapim.

Makim maus bilong ol manmeri husat i greduet, Dorothy Lua, i tok; "Mipela lainim planti samting tumas insait long dispela tupela wik. Mi wanpela mama husat i gat

maket tebol na mani mi save mekim, olgeta save go long baim kaikai bilong famili. Bipo mi no kisim dispela save taim mi no bin save long basetim o skelim mani na tu, mi no save gat gutpela ting ting long sevim mani long taim nogut. Wantaim halivim bilong Digicel Foundation na Ginigoada, mi lainim pinis ol gutpela samting long basetim mani long yusim gut mani na nau mi redi long senisim laip bilong famili bilong mi."

Dorothy i amamas long tokaut olsem sampela senis i

nau kamap long Joyce Bay komyuniti taim dispela trening i wok long kamap long hap. Em i tok, insait long dispela tupela wik, ol yangpela mangi i senisim sampela pasin bilong ol bihain long ol i kisim dispela liklik bisnis trening kos.

"Mi save wokabout long strit na ol yangpela mangi i save tromoi bia botol na tok nogut, spak na pait nabaut. Mipela i no lukim dispela kain pasin long tupela wik i go pinis, na mipela tok tenkyu long Ginigoada na Digicel

Foundation long karim senis i kam long komyuniti bilong mipela," Dorothy i tok.

Sampela ol manmeri husat i sindaun long dispela trening i bin go long Digicel Rikrutmen Open De las wik Sarere long painim wok, we em i ken senisim laip bilong ol yet, famili bilong ol na Joyce Bay komyuniti.

Digicel Foundation i bin kamapim 138 projek insait long 20-pela provins olgeta na em i bin givim bek K10 milian long komyuniti insait long 3-pela yia tasol.



DRAIM KAKAU...

Kakau i save kisim bikipela mani long PNG. Dispela kakau fama bilong Tinputz insait long Otonomes Rijen bilong Bogenvil i sekim gut ol kakau ol i draim pinis pastaim ol i putim ol i go insait long ol bek na salim.

Fail Poto

AFRIKA YAM...

i no longpela taim i go pinis PNG i lukim Afrika Yam i kam insait na nau, em i kamap gutpela kaikai stret bilong ol manmeri long dispela kantri. Dispela Afrika yam ya i save karim planti kaikai we i swit moa na iken inapim planti famili memba. **Fail Poto**





TAKOL: Senta bilong Tarangau. Barry Pekaea i buingim taim nogut long banis bilong ol Butterflies long raun wan gem bilong Mosbi ragbi lig las wik Sande. *POTO: Andrew Molen.*



SALENS: Tripela Hekari United pilaia i raunim wanpela Auckland City pilaia long train na kisim bal long O'lig gem bilong ol las wik Sarere long Mosbi. *POTO: Andrew Molen.*



REDI: Bipo Inglen pilaia husat i joinim PNG nau, Geraint Jones, i pilai kriket wantaim ol mangi long ples Hanuabada insait long NCD las wik. *POTO: Chris Hyde/Getty Images.*




HELPIM: Man i makim SP Brewery, Reg Monagi (lephan) i sekhan wantaim ol ogenaising komiti memba bilong 2012 PNG Gems taim em i givim sek bilong K100, 000 i go long ol long helpim ol wok redi bilong kamapim na holim gem. *POTO: SP Brewery.*



TROMOI: Senta autfil pilaia bilong United Brothers i laik salim bal i go bek hariap long hom bes, long gem bilong ol agensim Manta Rays long Mosbi sofbol resis las wik Sande. *POTO: Andrew Molen.*

TOKSAVE: Salim ol spots dro bilong yu kam long Feks; 325 2579, e-mel;amolen@wantok.com.pg o kam lusim long Wantok Niuspepa opis long Central Waigani, NCD.

Spot bilong 8-pela han na lek



PLANTI ol kantri long Esia (Asia), olsem Saina, Siapan, Indonesia, Filipins, Korea na Tailan (Thailand), i gat ol stail bilong pait ol tumbuna bilong ol i kamapim long bipo yet long lukautim ol long taim nogut na long taim bilong bikpela pait.

Olgeta i gat wanwan save, astingting na stail bilong ol tasol i no olgeta i kamap olsem spots.

Planti stap yet olsem samting bilong lainim tasol na holim i stap inap long taim yu bungim birua.

Wanwan olsem, taekwando na judo bilong Korea, Karate bilong Siapan na Muay Thai bilong Tailan, i kamap olsem spots na i go raunim wol.

Tete bai yumi lukluk wanpela long dispela ol masol at we i kamap olsem wanpela bikpela spot nau.

Dispela at em Muay Thai o Thai boksing. (Thai boxing), we i kam long Tailan.

Muay Thai long tok Inglis i min olsem at bilong 8-pela han na lek.

Dispela em bilong wanem, Muay Thai save yusim, tupela han, tupela lek, tupela skru bilong han na tupela skru bilong lek long pait bilong ol.

Sapos yu kanim dispela, em inap long 8-pela stret.

Em i wanpela strongpela stail bilong pait we stap strong insait long kalsa bilong Tailan.

Histri bilong gem

Muay Thai kamap long wanpela olupela stail bilong pait long Tailan, ol i kolim, Muay Boran.

Ol soldia bilong Tailan long bipo i save yusim dispela stail bilong pait taim ol i nogat samting bilong pait olsem naip na spia.

I gat bilip tu olsem dispela tupela stail i kamap long wanpela olupela moa stail ol i kolim krabi krabong we ol i save yusim ol naip, spia na arapela samting bilong pait tasol.

Bihain long dispela ol pait, ol soldia i go bek long ples na i save lainim ol yangpela long dispela stail bilong pait bai ol i ken lukautim ol wanwan ples na famili bilong ol tu.

Gutpela bilong dispela pait i mekim em i kamap olsem wanpela spot tu we ol paitman bilong wanwan ples i save salens.

Isi isi, dispela ol liklik pait i kamap olsem wanpela bikpela samting na i save kamap olgeta taim long ol tonamen na arapela bikpela bung.

Bipo tru, ol i save pait han nating, ol i no save putim karamap long han.

Bihain, ol i save raunim rop na sampela kain karamap long han bilong ol.

Nem bilong dispela kain ol pait resis em muay khat chueak.

Long 19 sensri (19th century), King Chulalongkorn (Rama V), i save laikim muay thai, na em i helpim long strongim dispela at.

Muay Thai kamap olsem wanpela bikpela spot na olgeta manmeri lainim olsem wanpela rot bilong eksesais, lukautim ol yet na tu long helpim sindaun bilong ol.

Muay Thai long nau

Long nau, maui thai kamap wanpela profesenol spot long planti ol bikpela kantri long wol.

Em i spot we ol profesenol pilaia save kisim bikpela mani long pait.

International Muay Thai Federation (IMTF) na World Muay Thai Council (WMC) na In-

ternational Muay Thai Association (IMTA), em tripela long ol intanesenel ogenaisesen husat i save lukautim ron bilong Muay Thai insait long wol.

Wanwan kantri save kamapim ol loa bilong Muay Thai we ol pait man long hap i save bihainim.

Sampela i save kik, tromoi han na lek skru tasol, sampela i ken yusim skru bilong han tasol i no inap holim narapela paitman, na planti arapela.

Long Tailan yet, ol i save bihain stret stail bilong pait we i stap bipo yet, dispela em long yusim olgeta samting long bodi bilong ol long pait.

Em i wanpela pait spot we i gat bikpela namba bilong ol paitman i dai o kisim bagarap.

Long dispela as, ol i save strongim ol paitman long trening strong na lukautim gut bodi bilong ol.

Stail bilong pait

Thai boksing i save kamap insait long ring olsem boksing na kikboksing.

Long bipo, ol i save pasim tasol rop o strongpela laplap long karamapim han taim ol i pait, nau, ol i save werim boksing glav. Dispela glav wantaim maus gad (mouth guard) na karampa bilong sangana em tripela samting tasol bilong lukautim bodi bilong ol paitman long ol profesenol pait.

Ol i ken pait long han skru bilong han, kik long lek na skru bilong lek na tu holim pasim narapela paitman na tromoim em i go daun long graun.

Pait i save kamap long wanwan raun olsem long boksing na kikboksing tu na i save gat refri long lukautim pait, wantaim ol jas long kisim poin.

Muay Thai long PNG

I nogat maui thai long Papua Niugini yet tasol i gat wanwan man husat i lainim na i save long dispela pait.

Wanpela profesenol Muay Thai paitman bilong PNG tasol em Lee "The Flash" Garap, husat i save go pait long Australia bilong wanem i nogat kompetisen na asosiesen long PNG.

I gat kikboksing long PNG, na planti ol PNG kikboksa i pait pinis insait long ol intanesenel Muay Thai tonamen tu.

Em i spot we i ken kamap long PNG olsem ol arapela masol ats tasol em bai bungim hevi tu olsem ol arapela masol ats sapos i nogat gutpela ples bilong trening.


I mas i gat ol gutpela manmeri bilong lukautim na ronim dispela spot na tu ol gutpela save lain bilong skulim na trenim gut ol paitman long en.



PAWA: Muay Thai gat nem long ol strongpela kik bilong en.



LAINIM: Ol yangpela i lainim long pait.



PEN: Ol paitman i save yusim lek nah an skru long pait tu.

SPOTS DRO
RAUN 2 9-12 MAS 2012

FRAIDE GEMS

BLUETONGUE Stadium 7:30 pm
Sea Eagles **Vs** W/Tigers

Suncorp Stadium 7:30 pm
Broncos **Vs** Cowboys

SARADE GEMS

Skilled Park 4.30 pm
Titans **Vs** Raiders

ANZ Stadium 7:30 pm
Bulldogs **Vs** Dragons

SANDE GEMS

Toyota Stadium- 2.00 pm
Sharks **Vs** Knights

SFS Stadium - 3.00 pm
Roosters **Vs** Panthers

AAMI Park 7:00 pm
Storm **Vs** Rabbitohs

MANDE GEM

Parramatta Stadium - 7pm
Eels **Vs** Warriors

Souths no nap pudaun gen

OL i pilai gut moa insait long gem tasol tripela trai klostu long fultaim i daunim ol South Sydney Rabbitohs 24-20 long Mande nait, dispela wik agensim Sydney Roosters.

Dispela tripela trai kam long Jared Warea-Hargreaves na Anthony Minichiello bilong Roosters i bagarapim sans bilong ol

Souths long statim gut sisen bilong ol.

Wanpela kepten bilong ol Rabbitohs, Matt King, i tok ol i lainim bikipela samting long dispela gem na ol bai no inap lusim em i kamap gen bihain.

King i tok ol i pilai gut tru long bikipela hap bilong gem na dispela em wanpela gutpela samting we ol

bai tingim tu.

Em i tok ol i no slek o malolo tasol ol i mekim sampela asua klostu long trai lain bilong ol yet we i givim sans long ol Roosters i skoa hariap.

"Mipela i no ting olsem mipela i win pinis na malolo, nogat, mipela i pilai strong yet tasol ol i kisim sans long ol asua bilong

mipela na i skoa olsem na em i gutpela bilong ol tasol i nogut long mipela," King i tok.

Dispela wiken bai Souths i bungim Melbourne Storm long AAMI Park long Sande avinun na Roosters bai kirapim das wantaim Penrith Panthers long Sydney long Sande tu.



SANAP: King (namel) i sanap wantaim ol wanpilai bilong em bihain long wanpela trai bilong ol Roosters long Mande nait.

Matai statim yia wantaim bagarap

SENTA bilong Manly, Steve Matai statim yia bilong em wantaim wanpela bagarap gen.

Em i brukim bikipela pinga long han bilong em insait long gem bilong ol agensim Warriors las wik Sande, we ol i bin win 26-20.

Dispela bagarap bai lukim Matai no inap pilai 6-pela wik olgeta.

Kosa bilong Manly, Geoff Toovey i tok tru long hevi bilong Matai na olsem em i wanpeal strongpela pilaia bilong ol na ol bai laikim em i orait hariap na kam bek.

Em i wari tasol olsem Matai bai no inap stap insait long bikipela gem bilong ol dispela Fraide nait taim ol i bungim Wests Tigers long Gosford.

Manly gat ol arapela liklik bagarap na skin pen long ol arapela pilaia bilong ol olsem Glenn Stewart husat i tanim bikipela pinga bilong em tu long dispela gem las wik.

Long wankain taim, faiv eit, Kieran Foran i putim planti ais long lek skru bilong



BAGARAP: Matai bai no inap pilai 6-pela wik.

em las wik we i soim em i gat sampela hevi tasol Toovey i tok ol i wetim tok klia bilong ol dokta na save manmeri

bipo long ol i ken pilai long Fraide.

"Bagarap bilong tupela i no bikipela tumas olsem na mi

bilip ol bai orait long pilai tasol mipela i wetim tok orait bilong ol dokta tasol," Toovey i tok.

Refri asua na Sharks lus

NRL refri, Jared Maxwell i kisim saspensen bihain long asua bilong em i mekim Cronulla Sharks i lusim raun wan gem bilong ol 17-16 agensim Wests Tigers las wik.

Dispela saspensen i lukim Maxwell bai no inap refri long raun tu bilong NRL we bai stat tumora nait.

Tupela kosa bilong ol NRL refri, Bill Harrigan na Stuart Raper i bilip Maxwell i no bihain stret loa bilong gem na i mekim wok krangki we i bagarapim sans bilong ol Sharks long win na i mekim Tigers i win.

Dispela hevi kamap taim faiv eit bilong Sharks, Todd Carney i laik kikim fil gol tasol ol Tigers i paitim bal i go daun.

Bal i pundaun i go long ai bilong Tigers faiv eit, Benji Marshall tasol em i no holim gut bal na i pudaunim taim ol Sharks i go long takolim em.

Maxwell i tok ol Sharks pilaia i opsait bilong wanem ol i stap pas long man i kikim bal, na em givim penolti long ol Tigers.

Dispela penolti lukim ol Tigers i kisim kik long sait lain na i pilai kam klostu long trai lain bilong ol Sharks we ol i kisim fil gol long win.



ASUA: Maxwell i kisim wanpela gem saspensen long asua bilong em.

Harrigan i tok Maxwell i asua bilong wanem loa bilong NRL i tok taim man i laik kik long fil gol na ol pilaia long narapela tim i kam paitim bal i go daun, em ol pilaia husat i stap pas long kika, i no opsait moa.

"Refri na ol tas jas bilong em i asua na mipela i mas mekim save long dispela," Harrigan i tok.

Em i tok, refi bai stret sapos em i bin givim penolti long ol Sharks bilong wanem Marshall i pundaunim bal taim ol i takolim em.

Taim dispela i kamap bai ol Sharks inap long win sapos ol i kikim gol, tep na traim long putim trai o traim wanpela fil go gen.

Muta stap yet

Andrew Molen i raitim

LAS wik Sarere i no bin laspela gem bilong David Muta wantaim Hekari United.

Em i tru olsem Sunshine Coast FC long Australia i laik kisim em i go pilai wantaim ol tasol em i wetim ol yet long stretim gut toktok na ol arapela samting.

Na em I tru tu olsem dispela yia em bai laspela taim bilong Muta long pilai wantaim klap we em I winim 4-pela NSL gren fainol na wanpela O'lig gren fainol wantaim pinis.

"Taim olgeta samting i redi na i stret bai mi go, nau em mi wet tasol," Muta i tok.

Sapos ol i no hariap, em bai Muta i sanap yet long namel bilong Hekari taim ol i go insait long las tripela raun bilong NSL resis.

Las wik, em i kamapim wanpela strongpela gem bilong ol gen taim ol i dro wantaim Auckland City FC bilong Nu Silan long O'lig resis bilong ol long Mosbi.

Dispela dro i no bin inap long kisim ol i go insait long

narapela raun bilong O'lig olsem na ol bai kam bek long narapela sisen sapos ol i winim NSL resis gen.

Muta i tok, ol yet i slek liklik long namba tu hap bilong gem na dispela i mekim Auckland i kam bek strong na skoa long fultaim stret.

"Sapos yu laik pilai, yu mas strongim tingting bilong yu na holim olsem inap long gem i pinis.

"Mipela i malolo liklik na i no stap strong olsem na ol i kam bek strong," em i tok.

Mm i amamas long gem bilong ol wanpilai bilong em na i tok ol i luk fowet tasol long go insait gen long fainol na bungim ol arapela strongpela tim insait long NSL.

"Olgeta mangi pilai gut na mipela i redi long go insait long gren fainol gen na difendim taitol bilong mipela," Muta i tok.

Em i wanpela long ol pilaia husat i bin stap wantaim Hekari long stat bilong NSL na i winim olgeta gren fainol wantaim ol.

Muta i gat luksave tu olsem wanpela nambawan pilaia insait long Papua Niugini na



WET TASOL: Muta bai go pilai long Australia.

Pasifik na em i save soim dispela wantaim gutpela na strongpela gem bilong em.

Bosman bilong Hekari, John Kapi-Natto, i tok, ol i amamas long kisim em i kam trenim em na pilai wantaim ol na nau em i taim long ol i mas lusim em i go aut na pilai moa long sampela ol bikipela gem

na asosiesen long narapela ples tu.

Las wik, Hekari bin stap long bai insait long raun 18 bilong NSL na dispela Sarere bai ol i bungim Eastern Stars FC gen.

Bihain long dispela bai gat tupela moa raun bipo long ol fainols resis i stat.

Vipers painim ol pilaia

STOP 'N' Shop Port Moresby Vipers i wok long kamapim ol seleksen bilong 2012 Digicel Kap skwat bilong en nau.

Dispela wiken bai 36 pilaia i go insait long tupela tim na pilai hausim ol yet long traim na winim seleksen.

Namel long ol bai tim i kisim 25 o 30 pilaia tasol long go insait long fainol skwat bilong Vipers.

Namba wan trael gem bilong ol i bin kamap long Febuari 17 we 52 pilaia i bin stap insait long en.

Long dispela gem, ol i kisim 36 pilaia husat ol bai pilai gen.

Ol Vipers i bin gat gutpela sisen long 2011 we i lukim ol i go insait long fainols resis bipo ol i lus na dispela yia ol i laik gat wanpela gutpela yia gen.



WOKHAT: Tim wan bilong ol Vipers pilaia husat i bin pilai long namba wan trael gem long Febuari 17.

Ol kosa na trena bilong tim i tok olgeta posisen insait long tim i op yet na ol pilaia i mas wokhat long traim na winim ples bilong ol.

"Em bai strongpela gem na bai no inap isi long ol pilaia tasol ol i mas wok hat sapos ol i laik stap insait long skwat," wanpela trena bilong

tim i tok.

Ol pilaia husat bai stap insait long gem dispela wiken i gat ol pilaia bilong Vipers long 2011 na sampela nupela pilaia tu.

Tim 1: Joshia Abavo, Elijah Riyong, Eke Ene, Richard Kambo, Kevin Frank, Peter Palus, Sebulon Ragi, Leroy Kume, Samuel Koim, Larsen Marabe, Timothy Komane, Sebastian Pandia, Stanley Torato, Tony Dai, Aite Bina Wabo Albert Dagu

Tim 2: Stargroth Amean, David Keai, Bland Abavu, Oglia Pena, Charlie Simon, Roger Laka, Dick Nap, Toua Kohu, Enoch Maki, Timothy John, Adam Korave, Zachery Simbai, Philip Kumiye, McKendy Kandi, Frank Rarua, Michael Mark, Israel Eliab.

Amamas bilong Paralympic tim

Andrew Molen i raitim

PAPUA Niugini Paralimpik tim i amamas na i redi tasol long makim kantri gen long Olimpik Gems.

Na long Mande dispela wik, ol i amamasim dispela wantaim Ela Motors, husat i givim sampela helpim tu long salim ol i go long dis-

pela bikipela gem long London.

Ela Motors i givim K50, 000 i go long PNG Paralympic Committee long salim tim bilong ol i go.

PNG Paralympic tim tasol i bin winim wanpela Olimpik medol taim rana, Francis Kompaon i winim silva medol long Beijing long 2008.



TOKTOK: Minista bilong spots, Sali Subam (lephan) i toktok wantaim wanpela etlit, Elias Larry.



Ol gutpela pilaia bilong ol grasrut

BILONG wanem na mi tok ol gutpela pilaia bilong ol grasrut?

Wanem gutpela samting i stap wantaim ol grasrut na wanem save bilong ol long spots?

Bilong wanem na planti mani na samting i save go long insait long ol wok long lukluk na helpim dispela kain ol manmeri?

Dispela em sampela long ol askim we i mas kamap long helpim yumi save gut long wanem as tru na planti hat wok bilong yumi save go insait long dispela ol manmeri.

Sapos yu lukluk gut long ol grasrut manmeri bilong yumi, bai yu nap long painim olsem, i gat sampela ol manmeri namel long ol husat i gat ol gutpela save na tingting bilong mekim kain kain samting.

Wanpela long ol samting ol i save gutpela long en em spots na dispela ol lain i ken mekim gut moa long planti ol arapela sapos ol i kisim gutpela trening.

Rot bilong painim dispela kain ol gutpela spots manmeri long grasruts level em i narapela bikipela stori tu.

I gat planti ol ples we ol gutpela spots manmeri ken kisim luksave.

Ol i ken kisim luksave insait long ol skul spots program, komyuniti spots na ol arapela kompetisen olsem.

Tasol i gat planti moa manmeri husat i no save kisim luksave bilong wanem ol i no go long skul na i nogat sans long stap insait long wanpela skul spots program.

Dispela ol lain i ken kisim luksave insait long ol komyuniti spots program.

Yumi ol bikman na ogenaiesen i mas mekim wanem nau long helpim na givim moa luksave long ol kain manmeri olsem?

I gat ol grup olsem ol Provinsol spots opis i stap olgeta hap long kantri, husat ol i ken go pas long mekim dispela kain wok.

Em i wok bilong ol long go pas na kamapim dispela kain wok.

Ol i mas wokbung wantaim ol skul, komyuniti, ol manmeri na ol arapela stekholda long wanwan provins bilong ol long helpim ol grasrut manmeri kisim luksave long gutpela save na stail bilong ol long pilai.

Wanpela gutpela ples long go lukluk em ol wanwan liklik distrik na i go daun long ol LLG eria.

I gat planti moa gutpela spots manmeri stap long ol rurel ples husat ol i no kisim luksave na gutpela sans long kam aut na soim save bilong ol.

Olsem mi tok pinis, em i wok bilong wanwan provins long go pas long painim na kisim ol.

Ol arapela spots grup olsem ol wanwan Nesenel Federeesen bilong wanwan spots tu i gat wok long painim na developim ol gutpela pilaia bilong ol.

Wanpela samting we i save pasim ol wanwan Federeesen long mekim wok em, i nogat inap mani na arapela risos long helpim ol.

Sans bilong planti long ol long painim ol nupela pilaia, em long ol nesenel sempionsip bilong ol we i save kamap olgeta yia.

Nesenel sempionsip em i orait tasol i no gutpela tumas bilong wanem em i save kamap wanpela taim tasol insait long wanpela yia na tu, i no olgeta pilaia long ol rurel ples i save kamap long dispela pilai.

Ol i mas lusim ol opis bilong ol long ol bikipela taun na siti na go aut long ol liklik ples long ol provins long lukim tru hamas gutpela spots manmeri stap.

I nogat wanpela gutpela wok olsem i kamap na dispela i givim hevi long ol yet bilong wane mol i nogat ples nau we ol i ken kisim ol nupela pilaia long en.

Dispela bai kamap olsem wanem?

Long wok, ol provins i mas wokbung gut wantaim PNG Sports Foundation (PNGSF) na PNG Sports Federation and Olympic Committee (PNGSFOC).

Sampela i save pas gut wantaim PNGSF tasol ol arapela i nogat.

Nau, ol samting i senis, dispela bai lukim olgeta nesenel federeesen bilong wanwan spot bai wok aninit long was bilong PNGSF.

Astingting bilong dispela em long helpim ol i painim ol nupela na yangpela pilaia na developim ol.

Dispela ol wok em bilong redim ol pilaia bilong 2015 Pasifik Gems.

Kain wokbung i kamap long luksave na developim ol pilaia husat ol i ken kamap olsem sampela ol nambawan pilaia bilong yumi long bihain taim.

Dispela ol pilaia bai karim nem bilong PNG na amamasim yumi long ol bikipela gem na tonamen.

Wantaim sapot bilong Nesenel Gavman, dispela wok bai go longwe tru long lukim olsem ol yangpela pilaia bilong yumi kisim samting ol i laikim na tu long kamap ol gutpela pilaia moa.



PNG go klostu long Olimpiks

Ol bai bungim Nu Silan

PAPUA Niugini nesenel soka tim bilong ol meri go klostu moa long winim tiket i go long Olimpik Gems bihain long ol i winim Tonga 2-0 long Trinde dispela wik long Loto, Tonga senta. PNG ron strong insait long dispela tonamen we i pinis wantaim dispela gutpela win long fainol aste. Dispela win bai lukim PNG pilaim tupela gem wantaim Nu Silan long lukim sapos ol inap go moa yet long hap. Tupela gol bilong PNG i kam long Fatima Rama long 47 minit bilong gem na Barbara Muta long 49 minit. PNG bin i gat planti sans

long skoa tasol strongpela difens bilong Tonga i bin pasim ol gut long namba wan hap bilong gem. Tupela penolti kik bilong PNG tu i bin pas long han bilong kepten na goli bilong Tonga, Lupe Likiliki. Likiliki bin sanap strong tu long pasim planti ol arapela salens i kam long ol PNG pilai. Dispela win i givim sans long PNG long soim ol yet agensim Nu Silan tasol kosa, Steven Mune i bin tok bipo ol i go olsem, em bai no inap isi tasol em i bilip ol i ken mekim sapos ol pas wantaim, harim tok na pilai strong.



KIK: PNG goli, Linda Bunaga i laik rausim wanpela bal long gol bilong em i go daun long namel bilong pilai graun.

CARPENTERS MOTORS

Introdusim

● Nambawan Expiens ● Hamamas long Kisim ● Tru long Yumi

9.9% FAINANS long ol **DIAMOND CLASS VEHICLES** *Kondisens bai aplai!

Tel: 311 2233 | Fax: 311 2440 | Email: info@carpentersmotors.com | Website: www.carpentersmotors.com

DIAMOND CLASS VEHICLES
 CARPENTERS MOTORS

- SETIFAIID KILOMITAS
- 6 PELA MUN FRI SEVIS
- 6 PELA MUN ENSIN WARANTI
- SEFTI STIKA INSPEKSEN FRI LONG TAIM YU KISIM KAR (Inspeksen tasol)
- 10% DISCAUNT LONG OL PARTS NA LEIBA *Kondisens bai aplai
- OL SAVE TEKNISEN BAI SEVISIM KAR BILONG YU
- IGAT 20 POINT MEKENIKOL SEK